



La Géorgie

Indépendante

Revue mensuelle

M A R S

1929—№ 51

მ ა რ ტ ი

1930 წ.

№ 51

# დასავლეთი საქართველო

ს ა ქ ა რ თ ვ ე ლ ო ს პ ო ლ ი ტ ი კ უ რ ი პ ა რ ტ ი ე მ ი ს ო რ გ ა ნ ო .

## მ ი ნ ა ა რ ს ი :

მეთაური—სეპარატიზმი—აი მტერი!  
 ვიკ. ნღზაძე—ვერობა და კავასია.  
 —ლი—კ—საქართველო ციფრებით.  
 კ. გ.—ინდოეთი დამოუკიდებ. თხოულობს.  
 მ. მ.—სახელმწიფოთა კონფ. და ფედერ. კავშირი.

პრესა.  
 საქართველოს ამბები.  
 უკრაინელთა შორის.  
 რას სწერენ ბოლშევიკებზე.  
 საბჭოთა რუსეთში და სხვ.

## ს ე პ ა რ ა ტ ი ზ მ ი — ა ი მ ტ ე რ ი !

ერთი სრულიად სარწმუნო ცნობა თფილისიდან ამბობს, რომ იქ ეხლა დაობენ, თითქმის აშკარათ, არა იმაზე დაირღვევა თუ არა რეჟიმი და აქედან თვით საბჭოთა კავშირი, არამედ იმაზე, განაფხულს მოხდება ეს თუ შემოდგომასა. ჩვენ შეგვიძლია თავი მოგვეკონდეს იმით, რომ ასე განზომილათ ხვდება არა ერთხელ აქ გამოთქმული აზრები ჩვენი დედა-ქალაქის სულისკვეთებას. თითქო უზილავი ძაფია ჩვენს შორის გაბმული, გვესმის ერთმანეთის მაჯის ცემა, ხვდება ერთმანეთს არა მარტო საიდუმლო ზრახვები, არამედ მდგომარეობის შეფასებაც.

და რომ თფილისი დღეს წარმოადგენს მეტათ გრძობიერ პოლიტიკურ ბარომეტრს საბჭოთა კავშირში, ამას ხაზგასმით აღიარებს თვით ჩვენი პატივცემული ინფორმატორი. არის სხვა ცენტრებიც—დასქენს ის—მაგ., ხარკოვი, სადაც დღეს სწარმოებს გეპეუს მიერ შეთხზული «უკრაინის განმათავისუფლებელ კავშირის» პროცესი. 34 მეცნიერ და ინტელიგენტის წინამდევ. ტაშკენტიდანაც მოისმის გამაფრთხილებელი ხმა, აგრეთვე ზოგ სხვა ადგილიდან, მაგრამ არსათ ისე გარკვევით არა აქვთ გათვალისწინებული მოწოდებები ზვირთები და მისი შედეგები, როგორც ტფილისში, და ეს ხომ კავასიის გულიაო—ათავებს ის.

სტალინის მიერ 2 მარტს გამოქვეყნებული წერილი-უქაზი და განსაკუთრებით კომპარტიის ცეკის ცირკულიარი პირდაპირ მოწმობს, რომ «დაკვრითი» კოლექტივიზაცია უკანასკნელი წვეთი იყო არარუს ერების მოთმინების ფიალაში, მართალია, სტალინი მათ უწოდებს «ჩამორჩენილთ», რომელნიც სოციალიზმისთვის მომწიფებულნი არ არიან; მაგრამ ნამდვილი ვითარება იმაშია, რომ არარუსი გლეხები კერძო მესაკუთრნი არიან და არავის დაანებებენ დაუსჯელათ მათი მეურნეობის აოხრებას. ეს ასეცაა,

როგორც მოწმობს თვით საბჭოთა პრესის ცნობები, რასაკვირველია, განზრახ მიჩქმალულნი.

ხოლო ამით იმის თქმა არ გვინდა სულაც, ვითომ თვით რუსეთში ყველაფერი თავის რიგზეა. არა, იქაც წამოყო გლეხობამ თავი და, თუმცა მათ კულაკებს ეძახიან, ისე მრავალია მათი რიცხვი, რომ შეკავშირება არ აკლდეთ, მარტო ისინიც იკმარებდნენ რეჟიმის დასამხობათ. შესანიშნავია ამ მხრივ ცირკულიარის ის ადგილი, სადაც ლაპარაკია წითელ არმიანზე: ბევრია მასში კულაკების შვილები, ნათესავები, უნდა ვერიდოთ მათ გაბოროტებასო. ცხადია, რამდენათ უარესი უნდა იყოს მდგომარეობა, როცა რეკავცი იძულებულია გამოამქლავანოს თუ გინდ ეს.

დაუმატეთ ამას ის შიშიც, რომელმაც ერთბაშათ შეიპყრო კრემლი: განაფხული უკვე კარზეა და მინდვრები დაუთესავი დაგვრჩებაო. კოლექტივიზაცია იმისთვის იყო მოგონილი, რომ პურით უზრუნველყყოთ თავი, სინამდვილეში კი გამოვიდა სულ წინააღმდეგი.

ამიტომ სტალინის უკან დახევა. ახალი ზიგ-ზავი გასაგებია. კულაკებს თავზე ხელს უსობენ: ინდივიდუალურ მეურნეობას ნუ შევზღუდავთ, გლეხებს შეუძლიათ თავისუფლათ ყიდონ ნაწარმოები. ვახსენით დახურული ბაზრებიო. ერთი სიტყვით, ნეპი და მისი ჯანი.

მაგრამ ავიწყდებათ, რომ 1930 წელი უბრალო განმეორება არაა 1921 წლის. რაც მამინ შეიძლებოდა, დღეს არ შეიძლება. კოლხონებში შერეკილი გლეხები უკან გამობრბიან, იბრუნებენ ძალათ წართმეულ საქონელს, იარაღს, სახლებს. მაგრამ, ვინაიდან ბევრი ამ წართმეულიდან გაფუჭებულია ან სრულიად მოსპობილი, ისინი მოითხოვენ სამაგიეროს. ბრძოლა ამ ნიადაგზედ საშიშრათ მწვავედება, ექსპროპრიაციური კომუნისტები ადგილს ვერ პოულობდნენ, რომ

თავი დააღწიონ ხალხის რისხვას. გაკოტრებულ დემოკრატებს თავიანთ პარტიაშიც გაუტყდათ სახელი, ხალხზე ხომ ზედმეტია ლაპარაკი.

ამ რიგათ, საბჭოთა კავშირი უკვე შესულია დიდი კრიზისის ხანაში. დათმობები ეხლა ვერ უშველის ხელისუფლებას, ყველა ვადები გასულია, ის უძლურია იხსნას ხალხი შიმშილისა და ბევრი სხვა უბედურებისაგან. დარჩა ისევ ტერორი, სისხლი, რომელიც საშინელ ბოლს უქადის კრემლის მედროვეთ.

საინტერესოა, ამ დროს, ამ საბედისწერო ისტორიულ მომენტში რუსის ემიგრაცია დაობს იმაზე, რეაქცია თუ რევოლუციაო, დიქტატურა თუ სხვა სისტემა, ვებრძოლოთ მას თუ არა, ძალათ დავცეთ თუ დავაჯეროთ თვითონ დაეცესო!

ჩვენ ხალხის არა გვაქვს ჩავერიოთ ამ ნაცარქეჩიობაში, მხოლოდ ერთი რამ მაინც არ უნდა გამოგვეპაროს, რაიც წითელი ზოლით გაყალბებულია ამ სიტყვიერ ჭიდილში. რუსები, მართალია, დაობენ, მაგრამ ერთში ისინი თანახმა არიან—ეს მათი შიში, კანკალი ახალი რევოლუციის აფეთქების წინაშე. ამას გაიგონებთ თქვენ მემარჯვენისაგან, მემარცხენისაგან, ყოველ წრეში და ორგანიზაციაში.

რატომაა ეს შიში, ეს კანკალი? რევოლუცია—მოგიგებენ ისინი ერთხმით—სამოქალაქო ომში გადავარდნაა, ხოლო ეს ბუნებრივის აუცილებლობით დაარღვევს, დაანაწილებს საბჭოთა კავშირსო. მაშასადამე, ტყუილა გვგონია, რომ რუსის ემიგრანტებს არა აქვთ არაფერი საერთო, მიუხედავთ მათი შინაური ბრძოლისა. ყველა ისინი თითქო ეროვნულათ, პატრიოტულათ არიან განწყობილი. ერთი ამას აშკარათ ამბობს, მეორე—ქარაღმით, მესამე სულაც კი სდუმს, თუმცა გულში ამაზე ფიქრობს.

მერე რა—იტყვის მკითხველი—, განა ეროვნული გრძნობა დასაძრავია, განა ჩვენ თვითონ ეს გრძნობა არ გვაძოქმედებს? არა, რასაკვირველია. ის, რაც რუსებს ამოძრავებს, არის იმპერიალიზმი, ბატონობა სხვა ერებზე. ჩვენ კი მივისწრაფით არა ბატონობისაკენ, არამედ თავის თავის განთავისუფლებისაკენ. ეს წინამძღვრობა ნათელია, ცხადი. ჩვენი უბედურების მეთაე წელს, ამდენი გაკვეთილების შემდეგ, პირდაპირ გაუგებარი და დაუშვებელი იქნებოდა ჩვენ შორის გათხრილ ორმოს წინ შეგვეშინდეს, თავი მოგვებრუოს.

არის, მაშასადამე, ორი შეურიგებელი პოლიტიკა და ტაქტიკა: რუსული და არარუსული. მათი ერთმანეთში არევა მით უფრო მიუტევებელი და მავნე იქნებოდა, რაც უფრო ვუახლოვდებით გადამჭრელ ყოფნა-არყოფნის ქამს. ჩვენი მიზანია ეროვნული გან-

თავისუფლება, რუსების—დღევანდელ პოლიტიკურ საზღვრების შენარჩუნება. აქედან საშუალება ცოლიკურათ სულ სხვა და სხვაა: ჩვენ გვინდა მივალწიოთ მიზანს რევოლუციური გზით, რუსებს—ევოლუციურის. თუმცა მტერი თითქო ერთი და იგივე გვიდგას წინ, რევოლუციურ როლს ამ გარდამავალ ხანაში არარუსები თამაშობენ, ხოლო რუსები, უკეთეს შემთხვევაში, კონსერვატიულს. ჩვენ არ გვინტერესებს ფრანგები, საქმით კი რუსები მზათ არიან თუ გინდ ერთი საუკუნე ითმინონ ბლოშევიზმი, ოლონდ არარუსი ერები ხელიდან არ გაუსხლტეს მოსკოვს.

გასაგებია ამიტომ რუსების გულისთქმა, ამოძახილი: სეპარატიზმი—აი მტერი! იყავით დარწმუნებული, ამის უტყუარი საბუთებიც არის, რომ მილიუკოვ-კერენსკის კამპანია ამ უკანასკნელათ მიმართულია არა იმდენათ რევიმის, რამდენათ სეპარატიზმის წინამძღვ. რას ვუპირდაპირებთ ჩვენ ამ კამპანიას? ვართ თუ არა მზათ, დარაზმუოი, გავშალოთ ჩვენი ეროვნული დროშა, უცხოეთის საზოგადო აზრის წინ, რუსების იმპერიალისტურ დროშის წინამძღვ?

დიახ, სტალინმა წამოიყრანტალა და ჩვენ კი ამას თავიდან ვამტკიცებდით, რომ სოციალური ჭიდილის გარდა და მის გვერდით ეროვნული ჭიდილიც სწარმოებს საბჭოთა კავშირში. ჩვენ ისიც არ უნდა დავგავიწყდეს, რომ პირველი წინაა, მეორე—უკან, პირველი სვალინდელ რევოლუციის მამოძრავებელ ღერძად ხდებო. განა ეს გასაკვირველია? ბლოშევიკურ ეკონომიურ ნიველიზაციის, ბურჟუაზიის ოფიციალური გაუქმების შემდეგ, როცა კლასობრივი ბრძოლა იმაში გამოიხატება, რომ ღარიბნი სცარცვავენ ეგრედ წოდებულ შეძლებულთ, სოციალური მომენტი თავისთავათ უკანა რიგში რჩება და სიმძიმის ცენტრი ეროვნულ მომენტზედ გადმოდის.

ჩვენ თვალს არ ვსუჟავთ, რომ რუსის ხალხი სოციალ-ეკონომიურ ჩიხშია, იქიდან გამოსვლას ლომობს და, მისი ემიგრანტების ნაცარქეჩიობის მიუხედავათ, იძულებული იქნება გამოვიდეს ბრძოლის ველზედ. მაგრამ ის არ არის შეკავშირებული, ინტელიგენციას ეშინია კიდევ ამის, მაშ მოსალოდნელია ანარქია, ხალხი უკვე ჩათრეულია მასში.

ჩვენი ამოცანა? არარუს ერების ამოცანა? დარაზმული გამოსვლა, სტიქიის ძღვევა, დროს შერჩევა, ბორკილების დამსხვრევა.

სეპარატიზმი—აი მტერი! სრული ქვეშაობიტებაა, მაგრამ არა რუსის ერის, არამედ გადადმელ და გადმოდმელ რუსულ იმპერიალიზმის წინამძღვ.



მ ვ რ ო ჰ ა დ ა კ ა ვ კ ა ს ი ა

(ბრძოლა ნავთისათვის)

I.

1.

1859 წელი ცნობილია, როგორც ნავთის მრეწველობის დაბადების წელიწადი. იმ დროს ერთმა ამერიკელმა (დრეიკმა) გათხარა სანავთო ქაბურღილი და ნავთის წყაროები აღმოაჩინა. ნავთი გაჰქონდათ ევროპაში ბოთლებით და ამერიკული ზეთის სახელით ჰყიდდნენ. მაგრამ 1884 წელი, როდესაც გერმანელმა ინჟინერმა ბენცმა ააგო პირველი ავტომობილი და 1897 წელში გერმანელმა ინჟინერმა რუდოლფ დიზელმა გამოიგონა შინაგანი წვის მანქანა, ყველგან ცნობილი, როგორც დიზელ მანქანა,—ნავთის მრეწველობაში სრული რევოლუცია მოხდა.

თუ უწინ ბენზინს მოუხმარებლობის გამო ტყვილად აქცევდნენ, ავტომობილებისა (რომელთა რიცხვი დღეს 30 მილიონს უდრის) და ჰაეროპლანების ინდუსტრიის განვითარებამ გამოიწვია მისი უზარმაზარი მოთხოვნილება. სამხედრო გემებში დადგეს დიზელმანქანები, და ეს უდიდესი გადატრიალება მოახდინა ლორდ ფიშერმა ბრიტანეთის სამხედრო ფლოტში. ამგვარად, კომერციული და ეკონომიური მნიშვნელობის გარდა, ნავთმა მიიღო სამხედრო მნიშვნელობა და ამან თავის მხრივ გამოიწვია სანავთო მრეწველობის ვეებერთელა გაზრდა. 1890 წელში ნავთის ამოღება უდრიდა 76.633.000 ბარელს, 1929 წელში კი—1 მილიარდ ბარელს.

ამიტომ მწვავედ დაისვა საკითხი და სენატორმა ბერანქემ სამართლიანად სთქვა:

«ვისაც აქვს ნავთი, აქვს ძალაც. ბატონობა ზღვაზე ნავთის შემწეობით; ბატონობა ჰაერში ნავთის შემწეობით; ბატონობა ხმელეთზე ფულით, რომელიც ნავთთან არის დაკავშირებული».

ნავთის სამხედრო მნიშვნელობა განსაკუთრებული სიძნადით გამოჩნდა მსოფლიო ომის დროს. ჯარების გადასაცემად და ზარბაზნების გადასაზიდვად საჭირო შეიქნა კამიონები (საბარგო ავტომობილები). ომის დასაწყისში საფრანგეთს ჰქონდა 100 კამიონი, ომის დასასრულს კი—70.000. მხოლოდ დასავლეთის ფრონტზე, ანტანტის მხრივ 100.000 კამიონი იყო. ამის მიუმატებთ ჰაეროპლანები, ტანკები, ტრაქტორები და ფლოტი, რომელიც ნავთით მოძრაობდა (ინგლისის ფლოტის ნახევარი ნავთით მუშაობდა).

მასასადამე: ნავთის მოპოვება გადაიქცა აუცილებელ საჭიროებად. მაგრამ ევროპის მეომარ სახელმწიფოებს; როგორც ანტანტის, ისე გერმანია-ავსტრიის მხრივ. საკუთარი საკმაო ნავთი არ გააჩნდათ და ამიტომ ომის დროს დიდ გაჭირებაში ჩავარდნენ. ანტანტის მთავრობებმა დააწყეს სპეციალური კომიტეტები, რომელთაც ვალად დაედოთ წყალქვეშისა და ჯარისათვის ნავთის მიწოდება. უდიდესი სანავთო საზოგადოება როიალ დან-შელი და სხვა ყველა ინგლისური სანავთო კომპანია ანტანტის აწვდიდა ნავთს. მაგრამ საკმარისი ნავთის მიღება მაინც ვერ

შესძლო (მარტო ბრიტანული ფლოტი 1917 წელში სწავდა ყოველთვიურად დაახლოვებით 400.000 ტონს) და დადგა ისეთი დროც, როცა ბრიტანული სამხედრო გემები უნავთობისა გამო უნდა გაჩერებულიყვნენ. მაგრამ ლორდ ბალფურის დეპეშით შესძლო ნორტკლიფმა, ამერიკულ უდიდეს სანავთო საზოგადოებისაგან მიეღო დაპირება ნავთის მიწოდების შესახებ. და ამავე დროს საფრანგეთის მთავრობის თავმჯდომარე, კლემანსო ამერიკის პრეზიდენტ ვილსონს შემდეგ დეპეშას უგზავნიდა:

«ამ ომის გადამწყვეტ წუთში, როცა მომავალ წელს საფრანგეთის ფრონტზე უმნიშვნელოვანესი სამხედრო ოპერაციები დაიწყება, საფრანგეთის ჯარს არც ერთ წუთში არ უნდა მოაკლდეს ნავთი, რომელიც სასიცოცხლოა მისი ავტომობილებისათვის, ჰაეროპლანებისათვის და არტილერიის ტრანსპორტისათვის. ნავთის მიწოდების საქმეში შეფერხება გამოიწვევს სწრაფლ ჩვენი ჯარის შეფერხებას და შეუძლია მოკავშირეები უფარგის ნაზე აიძულოს...»

... არ უნდა მოგვაკლდეს ნავთი, რომელიც ისე საჭიროა, როგორც სისხლი მომავალ ბრძოლებში».

ამის შემდეგ ანტანტის ნავთი არ მოკლებია, ანტანტამ გაიმარჯვა და ლორდ კერზონმა ერთ ბანკეტზე სთქვა: «ჩვენ მივცურდით გამარჯვებამდე ნავთის ტალღებზე».

ამ მსოფლიო ომში, ამბობენ, იყო ბრძოლა მოტორსა და რკინისგზას შორის. გაიმარჯვა ნავთმა ქვანახშირზე.

ამ შემთხვევაში ქვანახშირის ფრონტზე იყო გერმანია.

ლუედენდორფი თავის მოგონებებში აღწერს, თუ რა გაჭირებას განიცდიდა გერმანიის ჯარი უნავთობისა გამო. ავსტროუნგრეთის ვალიციის ნავთი საკმარისი არ იყო და ამიტომ გერმანული სტრატეგიის მიზანი შეიქნა რუმინეთის ნავთის ზელში ჩაგდება; აქედან შეტევა რუმინეთზე და ბუქარესტის ზავი 3-XII—1916 წლისა. სადაც კი იყო ნავთი, ჯარებიც იქით მიიწოდდნენ; ამ სანავთო სტრატეგიას მისდევდა ორივე მეომარი მხარე.

ჩერჩილი თავის «უორლდ კრაზის»-ში აღნიშნავს, რომ ბუზიკა, ჰიფას და ალექსანდრეტას ოკუპაცია მათ პალესტინის ნავთიან ადგილების გამო მოხდა. ასეთივე ბრძოლა იყო მოსხულის გარშემო, სპარსეთის სანავთო ადგილებისა გამო და სხვა.

იყო დრო, როდესაც ნავთს ჰქონდა მარტოდ ეკონომიურ-კომერციული მნიშვნელობა. ამ ეპოქაში სანავთო ბაზრების დასაპყრობად და ჰეგემონიისათვის იბრძოდნენ მხოლოდ სანავთო კომპანიები: უზარმაზარი ტრესტი ამერიკულ სანავთო კომპანიათა, სტანდარდოილი, ინგლისური ანგლო-პერშიან კომპანია, როიალ დან-შელი და სხ. ეს ბრძოლა იყო სასტიკი და დაუზოგველი, მაგრამ იგი სახელმწიფოებრივ პოლიტიკას ნაკლებ ან სრულიად არ ეხებოდა.

მას შემდეგ, რაც ინგლისის ფლოტი ნაწილობრივ ნავთის ხმარებაზე გადავიდა 1904 წელში და 1911 წელში ინგლისის მთავრობამ შეისყიდა ანგლო-პერსიან კომპანიის აქციები, და საზოგადო სახელმწიფო დაწესებულება გადაიქცა, და შემდეგ მსოფლიო ომის დროს ნავთმა გადამწყვეტი მნიშვნელობა მიიღო, ნავთი შეიქნა თვით სახელმწიფოთა საზრუნავი საგანი და ამგვარად: კერძო სანავთო კომპანიებმა მიიღეს მნიშვნელობა პოლიტიკაში; ესლა იბრძვიან ნავთიანი ადგილებისათვის და ნავთის გულისათვის, არა მარტო სანავთო კომპანიები, არამედ მათ ზურგს უმაგრებენ მთავრობები, და თვით მთავრობანი აწარმოებენ კიდევ სანავთო დიპლომატიურ, ფინანსიურ თუ კონცესიურ სანავთო პოლიტიკას.

სანავთო ბრძოლის ასპარეზად გადაიქცა ყველა ქვეყანა, სადაც საკმაო და სამრეწველო ნავთის ოდენობის შესაძლებლობა იყო და არის, და ამას ზედ ერთვის პოლიტიკური და გეოგრაფიული და სტრატეგიული მნიშვნელობა ნავთის მისაღებ მხარეებისა. სპარსეთი, კავკასია, რუმინეთი, პოლონეთი, ოსმალეთი, მექსიკო, კოსტა-რიკა, კოლუმბია, ვენეცუელა, ჯამბი, სახალინი და სხ. და სხ. შეიქნენ სანავთო პოლიტიკათა ბრძოლის ფრონტებად.

2.

მსოფლიო ომის დროს, როდესაც ოსმალეთი ჩაერია გერმანიის მხარეზე, დაუყონებლივ დაიწყო მან კავკასიის ფრონტზე შემოტევა, რომელთა მიზანი იყო ბაქოს სანავთო მრეწველობის ხელში ჩაგდება. მაგრამ მაშინ ძლევამოსილმა რუსეთის ჯარმა უკუაგდო ოსმალეთის შემოტევა და ესლა თვით გაეშურა სოფიოს ჯვრის ასაღებად. რასაკვირველია, ოსმალეთის გეგმაში მარტო ბაქოს არ ეკავა ერთადერთი ადგილი, რადგან გეგმის სულის ჩამდგმელი ესწრაფოდენ კავკასიის ქედზე მთავარიანი დროშის აფრიალებას...

3.

მსოფლიო ომის დროს, როგორც გაკვრით ავნიშნე უკვე, გერმანია ნავთის ნაკლებობისა გამო მეტად ცუდ მდგომარეობაში ჩავარდა. ჯერ კიდევ ადრე, ამ კრიზისამდე ვალტერ რატენაუ ჰქადაგებდა: მომპირნეთ მოეკიდეთ ნავთს, ისე როგორც პუტრსო. ეგრედ წოდებულ ჰინდენბურგის პროგრამაში ამ საკითხს მნიშვნელოვანი ადგილი ეკავა და გენერალური შტაბი ბრძანებდა (II, № 86 895, 22-V-1918), რომ ნავთის მომპირნეობასთან ერთად, მიღებულ უნდა იქნეს ყოველი ზომა ამ საწვავი მასალის მოსამარაგებლად, ურომლისოდაც, თუ ეს ზომები დაჩქარებულ არ იქნა, სამხედრო მეურნეობა დიდ ზარალს მიიღებს. გერმანიის გენერალურმა შტაბმა მიმართა რაიხს-კანცლერს, სამხედრო სამინისტროს და სხ. მოხსენებით, რომელშიც იგი ამტკიცებდა, რომ ნავთის მარაგება გადამწყვეტი მნიშვნელობისა არის.

ერის ლუედონდორფი ყველა ჯარის ნაწილს შემდეგ ცირკულიარს უგზავნიდა (II, № 9189): «მოთხოვნილება სამოძრაო მასალისა (ბენზინი, ბენზოლი, სათბობი ნავთი, სამოძრაო ნავთი) მეტად დიდია და

კვლავ თანდათანობით გაიზრდება. ამის გამომწვევია წყალქვეშა ნაგების ვაზილილი მოთხოვნისა, პაეროპლანთა რიცხვის გადიდება და ცხენების სიმცირის გამო და სხვა მოვლენებისაგან გამომწვეული საბარგო ავტომობილების რაზმების შექმნა. ნავთის მომწოდებელი ჩვენი წყაროები განსაზღვრულია»...

თავის სამხედრო მოვლენებში ლუედონდორფი სწერს იმ გაუივრების შესახებ, რომელსაც გერმანიის ხალხი და ჯარი განიცდიდა ნავთის ნაკლებობის გამო, და ამბობს:

«ქვანახშირსა, რკინასა და ფოლადთან ერთად ნავთის პროდუქტები წყალქვეშა ნაგებისათვის. ავტომობილებისათვის და პაეროპლანებისათვის, და აგრედევი ნავთის ზეთი ომის წარმოებისათვის საერთოდ პირველი მნიშვნელობისაა. ამ შემთხვევაში ჩვენ დამოკიდებული ვიყავით ავსტრო-უნგრეთზე და რუმინეთზე. ვინაიდან ავსტრო-უნგრეთს არ შეეძლო საკმაო ნავთი მოეცა და ყველა ცდა ნავთის საჭირო ოდენობის მიღებისათვის, უშედეგოდ დარჩა. ამიტომ რუმინეთის ნავთს მიეცა ომის გადამწყვეტი მნიშვნელობა. მაგრამ რუმინეთიდან ნავთის მიღების მიუხედავთ, ნავთის საკითხი მაინც მეტად სერიოზული დარჩა და იგი ამიძმებდა, როგორც ომის წარმოებას, ისე ცხოვრებას სამშობლოში...»

ამიტომ გერმანიას არ შეუწყვეტია ცდა ნავთის მოვნისათვის, და როდესაც რუსეთში რევოლუცია დაიწყო, აქეთ მიაპყრა მან თავისი ყურადღება.

4.

როდესაც 1917 წელს, რუსეთის რევოლუციის დაწყების შემდეგ, ფრონტები მოიშალა საერთოდ, მთელი კავკასია, რევოლუციის ცეცხლში გახვეული და მოუწყობელი პირისპირ აღმოჩნდა შეიარაღებულ ოსმალეთთან. 1917 წლის დეკემბერში მოსწყდა რუსეთის იმპერიის ჯარი კავკასიის ფრონტს და ოსმალეთისამ დაიწყო შემოტევა. ამავე თვეში ბრესტი-ლიტვსკში დაიწყო გერმანია-რუსეთის საზავო მოლაპარაკება, რომელზეც ამიერ-კავკასიის კომისარიატმა უარი განაცხადა. ბრესტილიტვსკში ბოლშევიკებმა დაუთმეს ოსმალეთს ბათუმ-ყარსის რაიონები. 16 თებერვალს, 1918 წელს ამიერკავკასიის სეიმმა გადასწყვიტა ოსმალეთთან საზავო მოლაპარაკების დაწყება და საზავო დელეგაცია, შემდგარი ანერბაიჯანელების, სომხების და ქართველებისაგან ტრაპიზონში გაემგზავრა. მაგრამ ვისი სახელით უნდა ელაპარაკა ამ დელეგაციას? ამიტომ 22 აპრილს 1918 წელს გამოცხადდა ამიერკავკასიის დამოუკიდებლობა. მაგრამ აქვე ტრაპიზონშივე აღმოჩნდა, რომ ამიერკავკასია მთლიანი არ იყო, რომ აქ არ იყო წარმოდგენილი საერთო ინტერესი, რომ ანერბაიჯანი თვით ოსმალეთს უღდა მხარში და ამგვარად ოსმალეთს საუკეთესო ასპარეზი ეძლეოდა ამიერკავკასიის დასაპყრობად. ტრაპიზონის მოლაპარაკებამ გამოაშკარავა კავკასიის ერების სრული ეროვნული მოუზნადებლობა, და ამის შედეგად, ოსმალეთის ხელის შეწყობით, დაიშალა ამიერკავკასიის რესპუბლიკა.

1918 წლის 26 მაისს გამოცხადდა საქართველოს

დამოუკიდებლობა, შემდეგ დღეს სომხეთისა და აზერბაიჯანის. საქართველოს თავისი თავი იარაღით უნდა დაეცვა ოსმალეთის წინამდევ და ამ მიზნით შეველა სთხოვა ოსმალეთის მოკავშირე გერმანიას.

5.

როგორ მოხდა ეს, რომ გერმანიამ თავის თავზე აიღო საქართველოს დაცვა თავისი მოკავშირე ოსმალეთის წინამდევ? მან შეაჩერა ოსმალეთის შემოტევა, და ამით ზურგი გაუმავრა საქართველოს დამოუკიდებლობას.

რასაკვირველია: გერმანიას თავისი ინტერესები ჰქონდა და ამის შესახებ, თუ რა იყო ეს ინტერესები, უნდა მიემართოთ გერმანიის ჯარის გენერალ კვარტირ მეისტერს, ლუდენდორფს. რაისკანცლერს (№ R. 439. P.) 1918 წლის 9 ივნისს გენერალი ლუდენდორფი სწერდა:

«საქართველოში გვეძლევა შემთხვევა... მცირე მებრძოლი ძალებით ჩვენი ძლიერება გავზარდოთ: ჩვენ იქ ქართული არმია უნდა მოვაწყოთ. ამისათვის აუცილებლად საჭიროა საქართველოს სახელმწიფოს აღიარება და მისი დაცვა-მფარველობა. ამას ზედ ერთვის როგორც ზნეობრივი მომენტი ის ვითარება, რომ საქართველო ქრისტიანული სახელმწიფოა, რომელსაც ჩვენ კარგა ხანია დიდ იმედებს ვაძლევდით. გერმანიის მიერ საქართველოს აღიარება და დაცვა იქნება ამავე დროს ერთად ერთი საშვალეობა, მადგახსნილი ოსმალეთი საქართველოსაგან შორს დავიჭიროთ. თორემ ისე საქმეთა გაძნელებანი იქ არ შესწყდება... თუ საქართველოში ჩვენ გვექნება დასაყრდნობი წერტილი, იმედი არის, რომ კავკასია თანდათანობით დაწყნარდება, და ჩვენ შეგვეძლება იქ არსებული ჩვენთვის ასე დაუყონებლივ საჭირო ნედლ მასალათა მიღება.

«მე განსაკუთრებით უნდა აღვნიშნო, რომ ჩვენ იქ ოსმალეთს ანგარიში უნდა გავუწიოთ და მისი სურვილებისთვის ერთგვარი დათმობის გრძობა უნდა ვაჩვენოთ. რკინისგზა ბათუმიდან ტფილისზე ჯულფასაკენ მისი ოპერაციებისათვის გადამწყვეტი მნიშვნელობისაა. ჯარების გადაყვანა ამ გზაზე ოსმალეთისათვის უნდა უზრუნველვყოთ. ჩვენ ვერ დავთმობთ გერმანიის გავლენას ტფილის-ბაქოს რკინისგზის მოძრაობაზე. იქ ჩვენ ოსმალეთმა უპირატესობა უნდა დაგვითმოს... სახელმძღვანელო დებულებათ უნდა იყოს, რომ ოსმალეთმა არ უნდა ინებოს და ხელი არ უნდა შეგვიშალოს საქართველოს სამხედრო ძალის შექმნაში და კავკასიიდან ნედლ მასალათა გამოზიდვაში. ოსმალეთის მიერ ტფილის-ბაქოს გზის დაკავება და ბაქოს დაჭერა, რაც გამოიწვევს იქაურ სანავთო ინდუსტრიის განადგურებას, იქნებოდა ჩვენდამი მტრული მოქმედება...»

6.

ლუდენდორფის მიერ ამ მოხსენების 20 დღის შემდეგ ფოთში შემოვიდა გერმანიის ჯარის ნაწილი და საქართველო დაცულ იქნა ოსმალეთისაგან, მაშინ როცა ბრძოლა ბაქოს გარშემო მეტად გამწვავებულად გრძელდებოდა. ამ უკანასკნელ საკითხს კიდევ

დავუბრუნდები<sup>\*)</sup>. ესლა კი მსურს გაგაცნოთ ის გეგმა და მოსაზრებანი, რომელთა შესახებ გენერალი ლუდენდორფი თავის სამხედრო მოგონებებში სწერს:

«ბათუმში მოლაპარაკებისას საქართველოს რესპუბლიკის წარმომადგენლებმა მიმართეს გენერალ ფონ ლოვს და სთხოვეს გერმანიის სახელმწიფოს მიერ დაცვა-მფარველობა (შუტ). 1915 და 1916 წლებში ჩვენ ვმუშაობდით ქართველ მოხალისეთა რანგით სომხეთში, თუმცა უშედეგოდ. ამასთან ჩვენ შევედით ერთგვარ კონტაქტში გავლენიან ქართველებთან. მე შევეძელ ამ დამრკიდებულებას და ესლა საქართველოს თხოვნას გერმანიის სახელმწიფოს მიერ მისი დაცვის შესახებ, მხოლოდ მივსალმებოდი სამხედრო მოსაზრებით. ისინი გვაძლევდნ ჩვენ შემთხვევას, ოსმალეთისაგან დამოუკიდებლად, კავკასიის ნედლ მასალებთან მივასლოვებულებოთ და ტფილისზე გამავალ რკინისგზის მოძრაობაზე გავლენა მოგვეპოვებია. ჩრდილოეთ სპარსეთში ომის წარმოებისათვის იგი გადამწყვეტი მნიშვნელობისა იყო და გერმანიის გავლენაში მყოფი მოძრაობა უფრო უნარიანი იქნებოდა, ვინც ოსმალების თანამშრომლობით. დაბოლო, ჩვენ უნდა შევეცდილიყავით, ქართული ჯარების შექმნით ჩვენი თავი ვაგვემაგრებია: მათ ჩვენ მოვინებოდათ ინგლისის წინამდევ. არც ის უნდა დაგვიწყებოდა, თუ კავკასიის მხარედან რა სიძნელენი შეიძლება წარმომდგარიყვენ. ამიტომ ვმუშამდგომლობდი რაისკანცლერის წინაშე «საქართველოს სურვილები მხედველობაში მიელა. საააში მოლაპარაკების დროს, საქართველოში ჩვენი პოლიტიკის შესახებ, რაისკანცლერი დათანხმდა, რომ როგორც მისი წარმომადგენელი, ობერსტი ფონ კრესი, რომელიც პალესტინის ფონტიდან გერმანიაში იყო დაბრუნებული, 1-2 დამცველი კომპანიით ტფილისში წასულიყო. საჭირო შეიქნა, რომ იქ ჩვენ ძლიერად გამოვსულიყავით. ამას მოითხოვდა... აგრეთვე ჩვენი მომარაგება ნედლი მასალებითა. ამ შემთხვევაში ზომ ჩვენ ოსმალებს ვერ დავეყრდნობით, ხელახლად დაგვიმტკიცა ეს მათმა საქციელმა ბათუმში. მათ მიითვისეს ყველა იქ ნახული საქონელი. ბაქოდან ნავთის მიღებაზე ჩვენ შეგვეძლო გვეფიქრა, თუ ჩვენ ჩვენს თავს თვითონვე ვუშველიდით. ჩვენს ქვეყანაში ნავთის სიმცირე და მასთან, დაკავშირებული მთელი სიძნელენი ზამთარში განათებისა კარგად გვახსოვდა. მეშვიდე არმიის თავდასხმის შემდეგ აგრეთვე ჯარის სათადარიგო ნავთიც გამოილია; ის ჩვენ მეტად გვაკლდა. უკრაინული რკინისგზებიც საჭიროებდა აგრეთვე ნავთს. რუმინეთიდან ნავთის მიღება შესაძლებლობის ფარგლებში განსაკუთრებულად ავსწიეთ, მაგრამ ამის მიუხედავად ნავთის

<sup>\*)</sup> «გერმანელი ჯარები მივიდნ ტფილისის როგორც დამცველნი ოსმალებისაგან და ამიტომ მეგობრულად სალაშქროდ მიღებულ იყვნენ. გერმანელებისთვის ეს ქვეყანა ძვირფასი იყო, როგორც მისასვლელი გზა ნავთით მდიდარ ბაქოსაკენ და სპარსეთისაკენ და თურქესტანისაკენ». კარლ კაუციკი: «გერმინენ», გვ. 57. ვიენ, 1921.

დანაკლისის შევსებაზე ფიქრიც ზედმეტი იყო. ეს გვეჩვენებოდა ესლა შესაძლებელად ამიერკავკასიიდან, განსაკუთრებით, ბაქოდან, თუ ამავე დროს სატრანსპორტო პირობანი წესრიგში იქნებოდა მოყვანილი. სავლეთ რკინისგზების უფროსს უნდა გამოერყვია სანავთო გემების საკითხი. რკინისგზა ბათუმი-ტფილისი-ბაქო, რომელსაც ბევრი ცისტერნები ჰქონდა, მოძრაობაში უნდა მოეყვანა ობერეც ფონ კრესს ოსმალეთთან შეთანხმებით. ბუნებრივია, გადამწყვეტი იყო საკითხი, თუ როგორ მივიდოდით ბაქოში. საბჭოთა მთავრობისათვის ანგარიშის გაწევამ ხელი შეგვიშალა აქაც ნამდვილი და სწრაფი მოქმედებისთვის”...

7.

საბჭოთა რუსეთისადმი ეს ანგარიშის გაწევა ჩვენთვის ცხადი გახდება, თუ გავიხსენებთ ბაქოს მდგომარეობას 1918 წელში.

1918 წლის მარტში ბაქოში მოხდა ბოლშევიკების აჯანყება, და მათ მიერ ქალაქი დაკავებულ იქნა; ამ დროსკი ბოლშევიკურ რუსეთსა და აზერბაიჯანს

შუა თებერვარდელთ ეკავათ ტერიტორია, მაშასადამე, ბოლშევიკები თავის ცენტრს მოწყვეტილი იყვნენ და ეს აჯანყებაც მხოლოდ სიგიჟით გამოწვეული. 1918 წლის 27 მაისს, განჯაში გამოცხადდა აზერბაიჯანის დამოუკიდებლობა და მიზნად დასახული იყო ბაქოს განთავისუფლება. ბაქოს ბოლშევიკები ბრძოლისათვის ემზადებოდნენ, მაგრამ სოციალისტ-რევოლუციონერები და სოციალდემოკრატები, რომელნიც აღიარებდნენ ბაქოს დაცვის სიძნელეს, მოითხოვდნენ ბაქოს დაცვაში დასახმარებლად სპარსეთიდან ინგლისელები მოეწვიათ. ეს საკითხი დაიხსნა ბაქოს საბჭოში, სადაც ბოლშევიკებმა პრინციპალურად უარყვეს იმპერიალისტების მოწვევა, მაშინ როცა ბაქოს საბჭომ ხმის უმრავლესობით ეს გადაწყვიტა 13 ხმის უმრავლესობით, ივლისის 25-ს 1918 წ. ამის შემდეგ ბაქოში შემოვიდა, მოწვევის თანხმად, ინგლისის რაზმი გენერალ ტამსონის ხელმძღვანელობით.

რათ აიტკივეს თავი ინგლისელებმა და სპარსეთიდან ბაქოში შემოვიდნენ?

კიკ. ნაფსაძე.

ს ა შ ა რ თ ვ ე ლ ო ც ი ზ რ ი ბ ი თ

(ცდა ჩვენი ქვეყნის გზავნილ მკურნელობის მიმდინარეობას)

(გაგრძელება)

13.

დაახლოებით ასეთსავე ჩამორჩენას გვიჩვენებს მეორე ძვირფასი დარგი სასოფლო-მეურნეობისა—მეთამბაქოობა!

1913 წელს თამბაქოს პლანტაციებს ეკავათ საქართველოში 9.651 დესეტინა (აქედან კერძოთ აფხაზეთში—8.037); 1914 წელს ხსენებულ პლანტაციებს უკვე 15.883 დესეტინა უჭირავს (აქედან აფხაზეთში 13.107). თამბაქო მოიჭრა: 1913 წელს 555.5 ათასი ფუთი; 1914 წელსკი 823,8 ათასი ფუთი (ნარ. ხოზ. ზაკავ.) 1913-1916 წლ., საშუალოდ, საქართველოს ტერიტორიაზედ წელიწადში მოსულა 650.000 ფუთი (აქედან 77 პროც. აფხაზეთშია მოსული).

აი რა გზა მიეცა მთელ ამ თამბაქოს (დ. აფხაზი):

- 1) თვით მეურნეობაში — შინ — 56.000 ფ.
- 2) ადგილობრ. ფაბრიკებ. დამუშავდა 60.000 ფ.
- 3) სასაღებრების გარეთ გავიდა 590.000 ფ.

თუ ვიანგარიშებთ, რომ თითო ფუთი ომამდე 15 მან. ფასობდა, მთელი თამბაქოს წლიური მოსავალი შეფასდება—9.840.000 მანეთად; აქედან საზღვარ გარეთ გასულა 7.650.000 მანეთის ღირებულება.

სასოფლო-მეურნეობაში თამბაქოს მოყვანა დიდ შემოსავლიან წყაროთ ითვლება; სწორედ ამიტომ სხვა ქვეყნებში ცდილობენ ფართე ალაგი მიუჩინონ ამ კულტურას, მეტადრე იქ, სადაც მუშა ხელის ნაკლებობას არა აქვს ადგილი. ჩვენი ქვეყანა სწორეთ ასეთია და ამიტომ არ არის მიზანშეწონილი, რომ თამბაქოს პლანტაციებს ჩვენში შედარებით მცირე

ალაგი აქვს დამობილი. უყვევლია, რომ საქართველოს ნიადაგი და ჰავა გაცილებით მეტ შესაძლებლობას იძლევიან პლანტაციების გაფართოებისათვის. სასოფლო-სამეურნეო განათლების შესახებ რომ კრებები იმართებოდა ტფილისში (ოქტომბერში), იქ გამოცხადებული იყო, რომ 5 წლის განმავლობაში განზრახულია თამბაქოს პლანტაციები აყვანილ იქნეს 21.000 ჰექტარამდე. «შეიძლება მისი კიდევ გაფართოებოდა, რაც წლიურად მოგვცემს 25-30 მილიონ მანეთს».

სამი უმთავრესი ნაკლი ემჩნევა ჩვენს მეთამბაქოობას.

ჯერ ის, რომ სხვა ქვეყნებთან შედარებით მოსავალი მცირეა. აი რას გვიჩვენებს მოსავლის ცხრილი, რომელიც ნ. ხომერიკს მოჰყავს თავის წიგნში:

ქვეყანა	მოსავალი კილოგრამებით (ფუთში 16,380 კილოგრამია)
საქართველო	720
საფრანგეთი	1150
გერმანია	1650
პოლონდია	1820

მეორე ნაკლი არის იმ მიწების მცირე რაოდენობა, რომელიც ჩვენში ამ კულტურისათვისაა მიკუთვნილი, ომისწინ თამბაქო მოყავდათ მხოლოდ 10-12 ათას დესეტინაზედ. ამავე დროს მაზრობრივი განაწილებით თამბაქოს პლანტაციებისა ერთობ უწესრიგოდ ხდებოდა.

ბ-ნ დ. აფხაზის წიგნში ეს განაწილება ასეა ნაჩვენები:

მდებარეობა ათასი დესეტ.(1916წ.)	პროც.
აფხაზეთი	10,6 84
აღმოსავლეთი საქარ.	1,5 10
დასავლეთი საქართვე.	0,3 3
აჭარა	0,4 3

როგორც ვხედავთ საქართველოში საშუალოდ 7.2 კვინტალი (100 კილოგრამი=1 კვინტალი) ყოფილა თამბაქოს მოსავალი ჰექტარზედ, საფრანგეთში კი 11.50 კვინტალი. არ უნდა დავივიწყოთ, რომ ეს ნორმები მაჩვენებელია მხოლოდ საშუალო მოსავლის. შედარებისათვის მოვიყვანოთ საფრანგეთის დეპარტამენტის ისეთს მეთამბაქოობის ცნობებს, საიდანაც ნათლად დავინახავთ, თუ რა რიგადაა ჩვენში ჩამორჩენილი ეს დარგი სასოფლო მეურნეობისა.

დეპარტამენტი იზერი ბევრს შემთხვევაში ჩვენს ზემო-იმერეთს მოგაგონებთ, ან ქართლის კავკასიონის მთებთან ახლო მდებარე ადგილებს. მთლად დეპარტამენტი შეიცავს 823.658 ჰექტარ ფართობს; 525.522 მოსახლეობით. მთელს ამ არეზედ 1919 წელს მეთამბაქოობას ეჭირა 16627 ჰექტარი, ე. ი. თითქმის იმდენივე, როგორც კახეთში. თითო ჰექტარზედ მოდიოდა 20 კვინტალი, 42 და მისი ღირებულება იყო ოთხი მილიონი ფრანკი (ოქროსი).

რომ უფრო ნათლად წარმოვიდგინოთ იზერის და, მაგალითად, კახეთის მეთამბაქოობის მდგომარეობა მოვიყვანოთ ასეთ ცხრილს: (საშუალო ციფრით)

თამბ. პლან. სივრცე	მთელი მოს.	ღირებ.
კახეთი 1650 ჰექტ.	16.072 კვინ.	480.000 მან.
დეპარ. იზერი 1680 „	28.695 „	4 მილ. ფრ.

მოსავლის ასეთი დიდი განსხვავება მეტ წილად იმითი აიხსნება, რომ საფრანგეთის მთავრობა განსაკუთრებულის ყურადღებით ექცევა თამბაქოს პლანტაციებს საფრანგეთში, სადაც შემოღებულია მონოპოლია (Le Régie) თამბაქოზე და სადაც მთავრობის მეცნიერნი და ინსტრუქტორები ხელმძღვანელობენ კერძო მეთამბაქოების პლანტაციებს, რჩევა-დარიგებით, საუკეთესო თესლის მიწოდებით და მეცნიერულ მიღწევათა გამოყენებით.

მესამე ნაკლი ჩვენი მეთამბაქოობის იმაში გამოიხატება, რომ, ომამდე, შინ სახმარად და ადგილობრივ ქარხნებში გადამამუშავებლად, მთელი მოსავლის 4 პროც. მოდიოდა, და ნედლ მასალათ გადიოდა 86 პროც., როდესაც შესაძლებელია, რომ მთელი თამბაქო შინ დამუშავდეს და საზღვარ გარეთ კი მხოლოდ სართავი პროდუქტი იყოს გატანილი.

სწორედ ასე იქცევა პატარა პოლანდია. საკუთრივ პოლანდიის მიწაზედ ნაკლებად მოყავთ თამბაქო, ისიც რაც მოდის ნედლ მასალათ იყიდება ინგლისსა და გერმანიაში. იმ თამბაქოების

უდიდესი ნაწილი, რაც პოლანდიის ფაბრიკებში მუშავდება—პოლანდიის ინდოეთის კოლონიებიდან მოდის. იმ კოლონიებში ეს კულტურა არ არის, მაინც და მაინც, მეცნიერულად დაყენებული, რის მიზეზიც უმთავრესად ადგილობრივი პრინციპ-ფეოდალების აგრარული პოლიტიკაა. მიუხედავად ამისა ადგილობრივ მცხოვრებლებს საუცხოვო თამბაქო მოყავთ იმ კოლონიებში, ვინაიდან ჰავა და ნიდაგი ერთობ სახიერაა იქ თამბაქოს კულტურისათვის. თამბაქოს მოყვანაში ჩაბმულია, როგორც ადგილობრივი მკვიდრი მცხოვრებნი (26.000 იავანელი), ისე ჩინელებიც (90.000 მუშა). 1906-7 წელს ნიდერლანდიის ინდოეთიდან გატანილი იყო ევროპაში 57.583.262 კილოგრამი თამბაქო; ამას გარდა შინ მოიხმარეს 7.523.193 კილოგრამი. მთელ ამ მოსავლის ღირებულება უდრიდა 45-50 მილიონ ფლორინს (1 ფლორინი თითქმის 1 ოქროს მანეთია).

მეჩვიდმეტე საუკუნიდან დაწყებული პოლანდიის ფაბრიკებში თამბაქოს ფოთლებიდან სამგვარი პროდუქტი მზადდებოდა: მოსაწევი თუთუნის, ბურნუთი და საღებო თამბაქო. მეცხრამეტე საუკუნის მეორე ნახევრიდან ძალიან შემცირდა იმ ქარხნების რიცხვი, სადაც თამბაქო იფხვრებოდა, დარჩენ მხოლოდ ისეთნი, სადაც ეს ოპერაცია თანამედროვე მოწყობილობითა ხდებოდა. სამაგიეროდ ძალიან გაიზარდა რიცხვი სიგარების ფაბრიკების, სადაც ათასობით მუშა-ხელია ჩაბმული. ვინაიდან სიგარებს ამზადებენ არა მხოლოდ ფაბრიკებში, არამედ კერძო ბინებშიაც, ძნელია მუშების რიცხვის სწორედ გამოანგარიშება. დაახლოებით კი პოლანდიელი სტატი-სტიკოსები აღნიშნავენ, რომ ამ დარგში ჩაბმულია არა ნაკლები 20.000 მუშისა. ამ უამრდ პოლანდიაში მოქმედობს კიდევ ოთხი პაპირის ქარხანა: ორი ამსტერდამში და ორიც როდერდაჰში.

პოლანდიიდან გატანილი ყოფილა საზღვარ გარეთ («Le Pays-Bas» გვ. 617).

წლები	თამბაქო დაქრ.	სიგარები	სულ გადამ.
	თუ დაფხვნილი	და პაპირ.	ქარხნებში
1901	1.349.347 კილ.	1.622.132 კ.	2.971.479 კ.
1909	2.310.000 „	1.616.876 „	3.926.000 „

საქართველოში კი 8.850.000 კილოგრ. ნედლ თამბაქოდან გადამამუშავდა (1913 წელს) ადგილობრივ ქარხნებში მხოლოდ 984.000 კილოგრამი.

ამიერ-კავკასიის რესპუბლიკებს შორის მეთამბაქოობა ასე ყოფილა დანაწილებული: (1915 წელს)

მოსულა თამბაქო:	
საქართველოში	575.000 ფუთი = 94 პროც.
აზერბეიჯანში	53.000 ფუთი )
სომხეთში	3.000 ფუთი ) 6 პროც.
	100 პროც.

(გაგრძელება იქნება)

ინდოეთი დამოუკიდებლობას თხოულობს

ინდოეთის იმპერია შესდგება ორი ნაწილისაგან: «ბრიტანეთის ინდოეთი» და ინდოეთის ადგილობრივი სახელმწიფოები. «ბრიტანეთის ინდოეთი» ინგლისის უბრალო პროვინციებს წარმოადგენს და მისგან სრულ დამოკიდებულებაშია. ინდოეთის ადგილობრივი სახელმწიფოები კი წარმოადგენენ იმ სახელმწიფოთა ჯგუფს, რომელნიც ინგლისის პროტექტორატის ქვეშ იმყოფებიან და რომელთა მცხოვრებნი ბრიტანეთის მოქალაქეთ არ ითვლებიან. ეს ადგილობრივი სახელმწიფოები ვითომ ერთნაირი ავტონომიური ერთეულებია, რომელთაც თავიანთი ჩამომავლობითი პრინციები ყავთ მართვებზედ. პრინციები აღჭურვილნი არიან «სუვერენული» უფლებებით იმდენათ, რამდენათ მათი სუვერენობა არ არის შეკეცილი ინგლისის მეფესთან დადებული რაიმე ხელშეკრულებით. ინდოეთის ადგილობრივი სახელმწიფოები ინგლისის მეფესთან დადებული ხელშეკრულების ძალით უარს ამბობენ საჯარო და სამხედრო საქმეების გამგეობაზე. მათ არ შეუძლიათ პირდაპირ დამოკიდებულება იქონიონ უცხო სახელმწიფოებთან და იყოლიონ მათთან დიპლომატიური წარმომადგენლები, თუ საკონსულო აგენტები. მათ არ აქვთ უფლება ომის გამოცხადებისა, ან და ვისმესთან რაიმე ხელშეკრულების დადებისა. მათ შეუძლიათ იყოლიონ მხოლოდ იმდენი და იმ სახის სამხედრო ძალები, რამდენადაც ეს განსაზღვრულია ინგლისთან ხელშეკრულებით.

თუ ინდოეთის ადგილობრივი სახელმწიფოების სუვერენობა ასეთნაირათ უარყოფილია, სამაგიეროთ ინგლისი პირდება მათ დაიცვას ისინი ყოველგვარ გარეშე ძალადობისაგან და აგრესივობისაგან, დაენმაროს მათ შინ წესრიგის დასამყარებლათ და ყოველგვარ აჯანყებების, თუ რევოლუციების ჩასაქრებათ. ინგლისის მთავრობას უფლება აქვს გადააყენოს ტახტიდან ესა თუ ის პრინცი, თუ ის უცილობას იჩენს მართვა-გამგეობის საქმეში და თუ ტახტზე მისი ყოფნით სახელმწიფოს საშიშროება მოვლის. ის თვალყურს ადევნებს პრინციების ტახტზე ასვლის ჩამომავლობითს უფლებებს და გადაჭრით ებრძვის ინდოეთის ადგილობრივ სახელმწიფოების მართვა-გამგეობის ისეთ ნაბიჯებს, რომელიც, ინგლისელების აზრით, ინდოეთის იმპერიას ზიფათს უმზადებს. საერთოდ კი ინგლისის პროტექტორატით ინდოეთის სახელმწიფოებში უფრო დაცულია იქაური პრინციების, ვიდრე მცხოვრებლების, ინტერესები. პრინციებს ეძლევათ სუბსიდიები, მათ საშვალეობა აქვთ იყოლიონ დიდი სამხედრო ძალები და, როცა საჭირო იქნება, ინგლისელებისავე დახმარებით ალაგმონ თავიანთი ქვეყნადმნი.

ინდოეთის იმპერიის 320 მილიონ საერთო მცხოვრებლებიდან ინდოეთის ადგილობრივ სახელმწიფოთა მცხოვრებლების რიცხვი 70 მილიონამდე იქნება. თით ამ სახელმწიფოთა რიცხვი 500 აღის, ბევრი მათგანი სივრცით ძლიერ პატარაა და სულ რაზდენიმე ათეულ სოფელს წარმოადგენს. «ბრიტანეთის ინდოეთი» ტერიტორიითაც და მცხოვრებთა

რიცხვითაც ოთხჯერ მეტი იქნება ინდოეთის ადგილობრივ სახელმწიფოებთან შედარებით.

ინგლისის პროვინციები—«ბრიტანეთის ინდოეთი» უფრო ზღვის პირათ და დიდ მდინარეთა მდიდარ ხეობების გასწვრივ მდებარე ადგილებია, ინდოეთის ადგილობრივი სახელმწიფოები კი მეტწილად მთა-გორაკიან ადგილებს შეიცავს. გეოგრაფიული ასეთი განაწილება უნდა ვეძიოთ მეთვრამეტე საუკუნის ინგლის-ინდოეთის ისტორიაში. იმ დროს ინგლისი ინდოეთში კომერციული მიზნით მივიდა და იქ აღმოსავლეთ-ინდოეთის სავაჭრო კომპანია დაარსა. შემდეგ, როცა ინგლისელ ვაჭრებს და კომერსანტებს მაღა გაეზარდათ, მათ უფრო ფართო ბაზარი დასჭირდათ და სხვა უცხო ქვეყნებთანაც მეტოქეობის გაწვევაც მოუხდათ (1757 წ.). ისინი დახმარებისათვის და მათი ინტერესების დასაცავათ ინგლისის მთავრობას მიმართავდნენ. უკვე აქედან იწყება ინდოეთის სხვადასხვა პროვინციების შემოერთება ინგლისის მიერ. ინგლისელები კი ეტანებოდნენ ისეთ ადგილებს, რომელნიც მათ ვაჭრობის მიზნებს უფრო შეეფერებოდათ. რასაკვირველია, არჩევდნენ ზღვის პირათ მდებარე ადგილებს, სადაც გემებს შეეძლებოდათ ადვილათ მიდგომა და ხეობებს იმ დიდ მდინარეების ირგლივ, რომელზედაც ნაოსნობის გაჩაღება მოსახერხებელი იქნებოდა.

პირველ ხანებში კომერსანტებს ნაკლებათ აინტერესებდათ ღარიბი მთა-გორაკიანი ადგილები და იქ მობინადრე პრინციები. იმ დროს ინდოეთის პრინციები სრულიად დამოუკიდებელი იყვნენ და აბსოლუტურათ განაგებდნენ თავიანთ ქვეყნებს.

აღმოსავლეთ ინდოეთის სავაჭრო კომპანია, რომლის უკან ინგლისის მთავრობა იდგა, ინდოეთის პროვინციებს ერთი მეორეზე იპყრობდა და იერთებდა. შემდეგ დაპყრობილი ტერიტორიის სივრცეებს დიდი შეიქნა, რომ იქ ძალა უფლების შენარჩუნების და გარეშე საფრთხიდანაც თავის დაცვა მართო ინგლისელების ძალით მეტად გაძნელდა. საჭირო გახდა, კომპანიას პრინციებს შორის ქიშპობა ესარგებლა, ზოგ მათგანთან კავშირი შეეკრა და ამ გზით უფრო ადვილად ებატონებია და დაპყრობის და კოლონიზაციის პოლიტიკა ეწარმოებია. ინგლისი ინდოეთის ადგილობრივ სახელმწიფოებთან თანდათან ხელშეკრულებას სდებდა და მათთვის ამა თუ იმ დახმარების გაწევის მიზნით მათ უფლებებს ზღუდავდა და მათზე თავის პროტექტორატს ავრცელებდა. აღმოსავლეთ ინდოეთის კომპანია ინდოეთში ყოვლის შემქმნებელი შეიქნა და მისი აგენტები წარმოუდგენლათ გათავხედდნენ, რასაც შედეგათ მოყვა ინდოეთის დიდი აჯანყება 1857 წელს. ინდოეთის ზოგ ლოიალურ პრინციების დახმარებით ეს აჯანყება ჩაქრობილ იქნა ინგლისის მთავრობის მიერ და აღმოსავლეთ ინდოეთის კომპანიის მთელი მფლობელობა და აღმასრულებელი ძალა ინგლისის მეფეს მიეკუთვნა 1858 წელს. 1877 წელს კი დედოფალმა ვიქტორიამ ინდოეთის იმპერატრიცათ გამოაცხადა თავის თავი.





ინგლისის ხელისუფლებამ შესძლო შედარებით, მშვიდობიანობა დაემყარებია ინდოეთში დედოფალ ვიქტორიის მეფობის დროს. 1905 წლიდან კი ინდოეთი იღვიძებს და იქ ფართო ნაციონალური მოძრაობა იწყება. ინდოელები ხმას იმაღლებენ ინგლისელების ბატონობის წინააღმდეგ და ინდოეთის თვითმართველობას თხოულობენ. მაგრამ ეროვნული მოძრაობა ინდოეთში განსაკუთრებით დიდ ომის დროს და მის შემდეგ ვითარდება.

ომის დროს ინდოეთს ინგლისელებთან მეტად ლოიალური განწყობილება ჰქონდა და მასთან და დომინიონებთან ერთად ომის ველზე დიდი ჯარი გაგზავნა და დიდი მსხვერპლიც გაიღო. უკვე 1914 წელს ინდოეთმა 70.000 კაცი გაგზავნა საფრანგეთში. 1915 წელს კი მან სხვადასხვა ფრონტზე 200.000 კაცი გაგზავნა. დიდი ომის დროს ინდოეთმა სულ 1.000.000 მეტი ჯარის კაცი გამოიყვანა საომრად. და ეს მაშინ როცა მოკავშირეთა საწინააღმდეგო კოალიციაში ოსმალეთი იღებდა მონაწილეობას. ინდოეთში კი ხომ 70 მილ. მუსულმანი მცხოვრები არის.

ინდოელებმა დიდი ომის დროს მთელ ქვეყანას დაანახვეს, რომ მათ საუკეთესო სიმამაცით, ვაჟაკობით და ცოდნით შეუძლიათ დავალებული მოვალეობის შესრულება. მაგრამ ამავე დროს მათ უღრმესად იგრძნეს და შეიგნეს ისიც, რომ ამა თუ იმ დავალებებთან და მოვალეობასთან მათ უთუთო უნდა ქონდეთ ის უფლებებიც, რასაც სხვა თავისუფალი ერები სარგებლობენ.

ომის დროს სამხედრო საქმეების საკოორდინაციოთ ინგლისის მთავრობის მიერ შექმნილ იქმნა საიმპერიო სამხედრო კაბინეტი (1917-1918 წ.). მაშინ ინგლისის ინტერესები მოითხოვდა ამ კაბინეტში დომინიონების წარმომადგენლებთან ერთად ინდოეთის წარმომადგენელიც ყოფილიყო მოწვეული. როცა სამხედრო-საიმპერიო კაბინეტი ზავის ჩამოგდებას შემდეგ პარიზში ვადავდა ბრიტანეთის დედეგაციის მანდატით, ვერსალის ხელშეკრულებას სხვებთან ერთად ინდოეთის წარმომადგენელმაც მოაწერა ხელი. ამ აქტით კი ინდოეთს უფლება ეძლევა იყოს ერთა ლიგის წევრი. ყველაფერი ეს ხებობდა, ვითომც ინდოეთი სრულიად თავისუფალი, ან და დომინიონის სტატუტით აღჭურვილი ქვეყანა ყოფილიყო. სამწუხაროთ ეს ასე არ იყო და ინდოეთის პოლიტიკური უფლებები ომის დროსაც და ომის შემდეგაც ისევე შეზღუდული რჩებოდა, როგორც ამას ომის წინ ქონდა ადგილი. აქ აღსანიშნავია ერთი რამ: ინდოეთის წარმომადგენელი, იღებდა ის წინეთ მონაწილეობას საიმპერიო კონფერენციებზე, თუ არის ის დღეს ერთა ლიგის წევრი, არჩეულია არა თვით ინდოელების მიერ, არამედ დანიშნულ-წარგზავნილია ინგლისის მთავრობისგან.

1916 წელს ინდოელები ანნა ბენენტის მეთაურობით კომრულის დროშას აფრიალებენ და ინდოეთის მთავრობის და საკანონმდებლო დაწესებულებების რეფორმებს თხოულობდნენ. 1917 წელს ინგლისის მთავრობის წარმომადგენელი—მონტეგეიუ აცხადებს, რომ ბრიტანეთის მთავრობა შეეცდება, ინდოეთში თანდათანობით თვითმართველობა შემოიღოს.

სო. მაგრამ ეს განცხადება მხოლოდ განცხადებით რჩება და პრაქტიკულათ არაფერი კეთდება. ამას შედეგათ ის მოყვა, რომ ზავის შემდეგ (1918 წელს) ინდოელ ნაციონალისტების ლიდერის—განდის ხელმძღვანელობით მთელ ინდოეთში ინგლისის საწინააღმდეგო მასიური მიტინგები და დემონსტრაციები იმართება. განდის ატუსაღება. ინგლისელების რეპრესიები საერთო უკმაყოფილებას იწვევს ინდოეთში. ინდოელების ეროვნული სულისკვეთება კიდევ უფრო ღრმავდება. 1920 წელს განდი და მისი ამხანაგები პასიური ბოიკოტის პოლიტიკას აწარმოებენ ინგლისელების მიმართ. 1923 წელს, ინდოელების ეროვნულ ყრილობაზე, ნაციონალისტების მემარცხენე ფრთა (სვარაჯისტები) კიდევ უფრო ძლიერდებიან და შემდეგ ინგლისელებს მათ წინააღმდეგ არა ერთი და ორი სასტიკი ზომების მიღება დასჭირდათ. დაბოლოს, 1927 წლის დამლევის ინგლისის თემთა პალატა საიმონის თავმჯდომარეობით ნიშნავს კომისიას, რომელიც უნდა გამგზავრებულიყო ინდოეთში, ადგილობრივთა გამოერკვია მთელი მდგომარეობა და შემდეგ თავისი დასკვნები პალატისათვის წარედგინა. ეს კომისია სულ თემთა პალატის წევრებისაგან შესდგებოდა და მათ შორის არც ერთი ინდოელი არ იყო. კომისიის ასეთმა შემადგენლობამ დიდი უნდობლობა გამოიწვია მთელ ინდოეთში და როცა კომისია ჩავიდა იქ 1928 წლის დასაწყისს, ინდოელები მას საერთო ბოიკოტით შეხვდნენ. კომისიასთან თანამშრომლობაზე დასთანხმდნენ მხოლოდ ინდოელი ლიბერალები. 1928 წელს ინდოელების ნაციონალურმა კონგრესმა კალკუტაში მიიღო რეზოლიუცია, სადაც ნათქვამია, რომ თუ 1929 წლის დამლევისთვის ინგლისი უკვე არ შემოიღებდა ინდოეთში დომინიონის სტატუტს, კონგრესი ამის შემდეგ ინდოეთის ინგლისიდან სრული გამოყოფის პოლიტიკას დაადგებოდა.

1929 წელს ინგლისში მუშათა მთავრობა დგება. მუშათა პარტია არჩვენებში ინდოეთისათვის დომინიონის სტატუტის ლოზუნგით გამოდიოდა. ამის წინეთ კიდევ მუშათა პარტიის ლიდერი—მაკდონალდი მუშათა პარტიების საიმპერიო კონფერენციაზე ამბობდა, რომ ინდოეთის დომინიონათ გახდომის საკითხი არაწლების, არამედ მხოლოდ თვეების საქმეა. ინდოეთში ამან დიდი იმედები აღძრა. გასულ ხაფხულში ინდოეთიდან ლონდონში ეროვნული მოძრაობის ხელმძღვანელნი ჩამოვიდნენ და ბჭობა ქონდათ მთავრობასთან. იყო აგრეთვე ლონდონში ინდოეთის მთავარმართებელი (Vice-Roi) ივრინი, რომელმაც ითათბირა, როგორც მთავრობასთან, ისე საკუთარ პარტიასთან (კონსერვატორებთან). როცა ივრინი დაბრუნდა ინდოეთში, იქ საჯაროთ განაცხადოდა, რომ ინგლისის მთავრობის მახლობელი მიზანია დომინიონის სტატუტი შემოიღოს ინდოეთში. ივრინის ამ განცხადებამ ინგლისის კონსერვატორულ და ლიბერალურ წრეებში დიდი აურზაური და ხმაურობა გამოიწვია. ოპოზიციის ორივე პარტიამ თემთა პალატაში შეკითხვა შეიტანეს და მთავრობას პასუხი მოსთხოვეს, თუ რას ნიშნავდა ინდოეთის მთავარმართებლის ასეთი განცხადება და თუ ეთან-

ხმებოდა მთავრობა ამ განცხადებას. როცა მთავრობამ დაინახა, რომ ინგლისის საზოგადოებრივ აზრის უმეტესობა ინდოეთისათვის დომინიონის სტატუსის მინიჭების წინააღმდეგია, მან ინტერპელიანტებს პირდაპირი პასუხი ვერ გასცა, კითხვებს მოხდენილად გვერდი აუხვია, საიმონის კომისიის მუშაობის და უმთავრებლობა მოიმინჯა და განაცხადა, რომ უნდა დაუცადოთ კომისიის დასკვნებს ამ საკითხის შესახებო. ექვს გარეშეა, რომ მუშათა მთავრობას ახრათ ქონდა ინდოეთში დომინიონის სტატუსის შემოღება ამ ახლო მომავალში და ფიქრობდა, რომ ამ საკითხსაც შედარებით ისევე უმტკივნეულოთ ჩაატარებდა, როგორც ეგვიპტისას. მაგრამ, როცა მთავრობამ დაინახა, რომ ოპოზიცია მეტად ძლიერი გამოდგა, უკან დაიხია: მას არ უნდა ინდოეთის საკითხის გამო გადააგდონ და შესაძლებელ ახლო მომავალ არჩევნებში ამ საკითხის გარეშე გამოართულ ბრძოლაში დამარცხდეს.

შექმნილმა ასეთმა მდგომარეობამ ინდოელების დიდი უკმაყოფილება და მათი იმედების გაცრუება გამოიწვია. ამას შედეგათ მოყვა ის, რომ ამ წლის დასაწყისში ლაჰორაში ინდოელების ნაციონალურმა კონგრესმა სოციალისტ ჯავაჰარლალ ნეჰრუს თავმჯდომარეობით მიიღო დადგენილება, რომლის ძალით მისი აწინდელი მუშაობა და მოქმედება ინდოეთის სრულ დამოუკიდებლობისაკენ უნდა იქნას მიმართული.

განდი ინდოელების სხვა ლიდერებთან ერთად ესლა უარს აცხადებს ინდოეთში ინგლისელებთან თანამშრომლობაზე და მთელ ხალხს მათდამი ბოიკოტისაკენ მოუწოდებს. განდი დღეს ინდოეთისათვის დომინიონის სტატუსს აღარ სჯერდება და მოითხოვს ინგლისისაგან სრულიად ჩამოშორებას. შეიძლება ეს განდის და მისი მეგობრების ტაქტიკური ხერხი იყოს. ყოველ შემთხვევაში ინდოეთის საზოგადოებრივი აზრის ზრდას და მიმდინარეობას დღეს რევოლუციონური პერიოდების გარკვეული ელფერი აქვს. ესლა იქ ზომიერებით ითვლება ის, რაც გუშინ უკიდურესობათ იყო მიჩნეული. დღეს ინდოეთში დაახლოებით იგივე მდგომარეობაა, რაც იყო ირლანდიაში 1919-1920 წლებში. ირლანდია დიდი

ხნის განმავლობაში კომრუსს მოითხოვდა. მას ამაზე უარს ეუბნებოდნენ, ან და მას უბრალო დაპირებებით კვებავდნენ. დაბოლოს იმედებ გაცრუებულ ირლანდიამ კომრუსი აღარ იკმარა და ინგლისისაგან სრულ ჩამოშორების გზას დაადგა. უკვე ინდოეთსიც ყავს ესლა თავისი დეველერა. ინდოელების ერთ ლიდერთაგანი—ბოუნი განდის პასიურ წინამდევრობას და ბოიკოტს არ ეთანხმება და მთავარი მიზნის მისაღწევით მოითხოვს ყოველგვარ სასტიკ და მკაცრ ზომების მიმართვას. არის შესაძლებელი, რომ სამოქალაქო ომმა იფეთქოს ინდოეთში იმავე სახით, რა სახითაც ეს მოხდა ირლანდიაში 1919-1920 წლებში, მხოლოდ იმ განსხვავებით, რომ მაშინ ინგლისელებს სამ მილიონიან ირლანდიელებთან ქონდა საქმე, ესლა კი შესაძლებელია მათ წინამდევ 300 მილიონი ინდოელი დაირაზმოს.

ლოიდ ჯორჯი, ბერკენსედი და სხვები ირწმუნებიან, რომ ინდოელები ველურები არიან, რომ ისინი უინგლისელებით თავს ვერ მოუვლიან და ერთმანეთს დასჯამენო. მაგრამ ლოიდ ჯორჯი და ბერკენსედი სწორედ ამასვე ირწმუნებოდნენ ამ ათი წლის წინეთ ირლანდიელების შესახებაც. დღეს კი ყველამ უწყის, რომ ირლანდიელები მშვენივრათ ცხოვრობენ და დიდის ნაბიჯითაც მიდიან წინ.

მართალია ინგლისის დიდი ინტერესები აქვს ინდოეთში: იქ მილიონებით არის დაბანდებული ინგლისელების კაპიტალი, ინდოეთი უდიდესი ბაზარია აგრეთვე ინგლისისათვის. მაგრამ ინგლისელების ინტერესების დაცვა და მოვლა ინდოეთში გაცილებით უკეთ შეიძლება იქ თვითმართველობის და თავისუფლების შემოღებით, ვიდრე მასთან მუდმივი შუღლის დე კონფლიქტების წარმოებით. დღეს ბევრი რამ არის დამოკიდებული ინგლისის მუშათა მთავრობისაგან. რამდენადაც ის მერყეობას და გაუტკვევლობას თავს გაანებებს, რამდენადაც ის ინდოეთისათვის დომინიონის სტატუსის შემოღებისათვის ხმას აღიმადლებს და საამისოთ ინგლისის საზოგადოებრივ აზრსაც მოამზადებს, იმდენათ ინდოეთის მოსალოდნელ დიდ ანარქიას და კრიზისს ქვეყანას თავიდან ააცილებს.

ბ. ბ.

### სახელმწიფოთა კონფედერაცია და ფედერატული კავშირი

საკითხი, რომლის განხილვას ვაპირებთ ჩვენს წერილში, დიდს ინტერესს შეიცავს: უნიტარული სახელმწიფოების რიცხვი მცირდება და ფედერატული პრინციპი თავის ორგანიზაციის სიცოცხლისა და სხვა ფაქტორებსაგან გამო უფრო და უფრო ვრცელდება. ეს პრინციპი არც მთლად ახალია, ჯერ კიდევ ძველმა საბერძნეთმა განახორციელა იგი, თუმცა ცოტა განსხვავებულის სახით. მე 18 ს. ბოლოს და მთელი 19 საუკუნის განმავლობაში მოიპოვა ფედერატულმა სახელმწიფომ განსაკუთრებული მნიშვნელობა და მისი განვითარება მთლად არც დამთავრებულა: ფედერატული სახელმწიფოები არსდებიან და კიდევ ბევრი დაარსდება მომავალში.

რაშია ფედერალიზმის სიძლიერე? რა და რა ფორმებს იღებს? როგორ ხორციელდება? აი ამ საკითხებზე გვინდა შევაჩეროთ მკითხველის ყურადღება. და ყოველის უწინარეს, გაუგებრობის თავიდან ასაცილებლად, უნდა ნათლად განვსაზღვროთ ტერმინები. ფედერატულ სახელმწიფოს ფართო მნიშვნელობით ჩვენ ვუწოდებთ ყოველ ფედერატულ კავშირს, რომელიც ლებულობს ორს განსხვავებულს სახეს: 1) სახელმწიფოთა კონფედერაცია—Staatenbund, სადაც ფედერატული კავშირი რბილია და სუსტი.

2) ფედერალური სახელმწიფო—Bundesstaat, სადაც ფედერატული კავშირი უფრო მჭიდროა. ჩვენ



დავინახავთ, რომ ამ ორ ფორმას შორის დიდი განსხვავება არსებობს. განვიხილოთ ჯერ სახელმწიფოთა კონფედერაცია, მერე ფედერალური სახელმწიფო. შემდეგ შევადაროთ ერთმანეთს და გავარკვიოთ საზომი, რომელიც საშვავლებას მოგვცემს მათი ერთმანეთში გარჩევისათვის.

როცა ვეხებით სახელმწიფოთა კონფედერაციის საკითხს, საჭიროა დაუყოვნებლივ გადაჭრა რამდენიმე მნიშვნელოვანი საგნისა. როგორია წარმოშობა და იურიდიული ბუნება სახელმწიფოთა კონფედერაციის? როგორია იურიდიული მდგომარეობა შემავალ სახელმწიფოებისა? როგორია დანაწილებული ხელისუფლება ცენტრალურსა და ადგილობრივ მთავრობათა შორის? დაბოლოს არის თუ არა კონფედერაცია მუდმივი ორგანიზაცია, თუ მას გარდამავალი სახე აქვს?

რა არის სახელმწიფოთა კონფედერაცია? კონფედერაცია სუვერენულ სახელმწიფოების შეთანხმებული კავშირი, სადაც არსებობს ცენტრალური ხელისუფლება, რომელსაც აქვს იურიდიული პიროვნება და აღჭურვილია მუდმივი ორგანოებით. ხოლო კონფედერაცია არის შეთანხმებული კავშირი სუვერენულ სახელმწიფოების და მის იურიდიულ საფუძველს შეადგენს სახელმწიფოთა შორის დადებული ხელშეკრულება განსაზღვრული მიზნის მასაღწევით. კონფედერაცია არ შეადგენს ახალს სახელმწიფოს შემავალ სახელმწიფოებზე, მას არ ეკუთვნის სუვერენობა, არც აქვს სახელმწიფოს ხასიათი, წევრები (შემავალი სახელმწიფოები) იცავენ თავის სუვერენობას. მაგრამ მათ არ შეუძლიათ ყოველ წამს გამოაცხადონ თავის სუვერენობა კონფედერაციიდან გამოსასვლელად, ვინაიდან თვითუთმა მათგანმა პატივი უნდა სცეს მოვალეობას, რომელიც თავის სუფლად მიიღო თავისთავზე, და თუ რომელიმე გავა კონფედერაციიდან, უკანასკნელს უფლება აქვს იარაღით აიძულოს იგი ხელშეკრულობის დასაცავად.

კონფედერაციის შემავალ სახელმწიფოებს რჩებათ მათი სუვერენობა, არ არსებობს ერთი ეროვნება, ერთი ქვეშევრდომობა. ცენტრალურ მთავრობას არასოდეს შეუძლია რაიმე დამოკიდებულება იქონიოს შემავალ სახელმწიფოების ქვეშევრდომობთან; ამა თუ იმ დადგენილების შესასრულებლად უნდა მიმართოს მონაწილე სახელმწიფოების მუთმავლობას. ამაშია კონფედერაციის სისუსტე. ხოლო ეს სავალდებულო არაა: კონფედერალურ ხელშეკრულობას შეუძლია მეტი უფლება მისცეს ცენტრალურ მართველობას და მას მიანიჭოს დადგენილებათა შესრულების პირდაპირი ნება. მაგრამ ასეთი მდგომარეობა გამონაკლისს წარმოადგენს და საერთო პრინციპი კი მოითხოვს, რომ ცენტრალური ხელისუფლების ყოველი გადაწყვეტილების შესრულებისათვის საჭიროა შემადგენელ სახელმწიფოების დასტური.

ცენტრალური ხელისუფლება მაინც მოსილია უფლებით, რომელიც განსხვავდება ნაწილების უფლებებისაგან, ვინაიდან მას აქვს საკუთარი ნებისყოფა

ფა—ამის დამამტკიცებელია ის, რომ დადგენილებანი გამოაქვს ამ ცენტრალურ ორგანოს. ამის გამოა რომ იგი აღჭურვილია იურიდიული სახეობით (პიროვნებით), როგორც საშინაო ისე საგარეო თვალსაზრისით. ცენტრალური ხელისუფლება საზოგადოთ წარმოადგენილია საკანონმდებლო დაწესებულებით (პარლამენტით), რომელიც შესდგება მონაწილე სახელმწიფოების წარმომადგენლებისაგან. უნდა აღინიშნოს, რომ უმეტეს შემთხვევაში ესა ერთად ერთი ორგანო ცენტრალური ხელისუფლებისა. ჩვენ ზევით ვსთქვით, რომ ნაწილებს რჩებათ მათი სუვერენობა და ყოველივე უფლება, რომელიც აქედან გამომდინარეობს. ხოლო უდავოა, რომ ფედერალურ ხელშეკრულების დადების დროს მათ უარი თქვეს ზოგიერთ თავის უფლებებზე ცენტრალურ ხელისუფლების სასარგებლოდ, რათა უკანასკნელმა შესძლებლოს თავის მიზნების შესრულება. სამაგიეროთ ისინი დიდს მომაწილეობას იღებენ კონფედერალურ ნებისყოფის შედგენაში: ყოვლის უწინარეს შემავალი სახელმწიფოები შეადგენენ კონფედერაციის უმთავრეს ორგანოს—საერთო პარლამენტს; ყოველ ნაწილს აქ წარმომადგენლობის თანასწორი რიცხვი ყავს და ამ წარმომადგენლებს იმპერატული მანდატები აქვთ თავიანთ სახელმწიფოებისაგან. შემდეგ მონაწილეობა გამოიხატება ფედერალურ ხელშეკრულების რევიზიაში— ხელშეკრულების გადასინჯვა შეიძლება მხოლოდ ყველა წევრების ერთხმა გადაწყვეტილებით. ეს იმას ნიშნავს, რომ ხელშეკრულების შეცვლა შეუძლებელი ხდება თითქმის—რაიც კონფედერაციის მეორე დიდ უხერხულობას წარმოადგენს. ერთხმობას მოითხოვს ზოგი სხვა მნიშვნელოვანი საკითხის გადაჭრაც, მაგ. ახალი წევრის მიღება და სხვ. და ეს გარეეობა უწყველია აბრკოლებს სახელმწიფოს ფუნქციებს. დასასრულ ნაწილების მონაწილეობა საერთო ნებისყოფაში გამოიხატება იმაში, რომ ცენტრალურ ხელისუფლებას თვითონ არ მოეპოვება აღმასრულებელი ორგანოები და მისი დადგენილება უნდა აღასრულოს შემავალმა სახელმწიფოებმა, უკანასკნელნი კი დაერიდებიან ისეთი რისამე შესრულებას, რაც მათ ინტერესებს ეწინააღმდეგება.

მაშასადამე ორი რამ ახასიათებს კონფედერაციას: ცენტრალური მართველობის ორგანიზაციის სიმარტივე—ხშირად და მხოლოდ პარლამენტი არსებობს, რომელსაც შეზღუდული უფლებები აქვს—და სისუსტე ფედერალურ მართველობის, რაიც თითქმის აუცილებელია, ვინაიდან შემადგენელი სახელმწიფოები მეტად უფროსილდებიან თავის დამოუკიდებლობას და უთმობენ ცენტრალურ ხელისუფლებას მარტო იმას, რაც აუცილებლად საჭიროა უკანასკნელის მიზნისთვის (საგარეო საერთო საფრთხის წინააღმდეგ), და როდესაც შემავალი ნაწილები საკონფედერაციო ხელშეკრულებას სდებენ, ყოველთვის იმას ცდილობენ, რომ თავიანთი სუვერენობა განამტკიცონ და არა შეასუსტონ.

(შემდეგი იქნება)

პ რ ე ს ა

არიან მახინჯი ადამიანები, რომლებიც ფიქრობენ, რომ სხვისი გინება და უღირსად ხსენება საუკეთესო საშუალებაა საქუთარი ეროვნული ღირსების ასამაღლებლად; მათის შეხედულებით, რაც უფრო გალანძღავ და დაამცირებ სხვას, თუნდაც უსამართლოთ და უსაფუძვლოთ, მით უფრო დაწინაურებული იქნება შენი ეროვნული საქმე. ყოფილა ასეთი ადამიანი ქართველ ემიგრაციაშიც, ვინმე ბეჟან გიორგაძე. რომელიც «თეთრი გიორგის» № 25-ში ამნაირ ყოვლად შეუწყნარებელ სიტყვებით ამკობს რუსის ერს, მის ენას და კულტურას:

«მამულიშვილს ზნეობრივმა შეგნებამ უნდა აუკრძალოს ქართველს ამ ძალის ენაზე ლაპარაკი... ყველაზე უვარგისი მწერლები იყვნენ რუსები და მათი შემოქმედების დამახასიათებელი მთავარი მოტივი ადამიანის სისაძაგლის გამართლებას ემსახურებოდა... ყველა რუსის მწერლები გარყვნილნი და საშინელი ზნედაცემული ავადმყოფები არიან... რუსებს კულტურის ნასახიცი არა აქვთ დღემდე... რუსული ენა მხოლოდ, ლანძღვა გინებისათვისაა... რუსული მუსიკა არ არსებობს... ეს რასა, ჩინგის ხანის და ბათო ნოინის ურდო, სადიზმის და იდიოტიზმის საბუდარი» და სხვა და სხვა.

ჩვენ ამოვწერეთ ბ. გიორგაძის წერილის რამდენიმე სტრიქონი და რასაკვირველია საჭიროდ არ მიგვაჩნია გამოვეკამათოთ ავტორს და არც იმ ორგანოს, სადაც წერილი მოთავსებულია. ვიტყვი მხოლოდ: ეს ხალხი ან სრულიად გონება დაკარგულია, ან სრულებით უფიცი და არავითარი წარმოდგენა არა აქვთ არც კულტურაზე და არც პოლიტიკაზე. ისინი არ ცნობენ არც საქართველოს და მის ისტორიას, სრულიად მოწყვეტილნი არიან ქართველ ერს და მის სულის კვეთებას. საქართველოს ხანგრძლივმა ისტორიამ არ იცის ერთი მაგალითიც სხვა ერის ბრმა და უგუნურ სიძულვილის. ჩვენი პოლიტიკური სიძლიერის დროს ქართველი მეფეები დახმარებას უწინავედენ მუსულმან მწერლებს და თავშესაფარს უზენებდენ. სომხები, ებრაელები და სხვანი, მტრისაგან დევნილნი, ბინას ჰპოულობდნენ ქართველთა შორის. დღეს ჩვენ ვებრძვით რუსეთს ჩვენი დამოუკიდებლობისთვის,—აქ მთელ ქართველ ერს ერთი პირი აქვს—, ვებრძვით შეურყევლად, გადაჭრილად, მაგრამ ვის შეუძლია უარყოს რუსეთის კულტურა, მწერლობა, ხელოვნება? განა საკმარისი არაა, მიმოვიხედოთ გარშემო აქ პარიზში, საფრანგეთში, რომ დავინახოთ, თუ როგორს პატივს სცემენ რუსულ ხელოვნებას ფრანგებიც კი, რომელთაც უაღრესად განვითარებული აქვთ ეროვნული პატივმოყვარეობა? ჩვენ გააფთრებით ვებრძოდით რუსის მოხელეებს, როდესაც ისინი ბედავდნენ და ძალის ენას უწოდებდნენ ქართულს და ნუ თუ დღეს ვინმე ქართველი უნდა გამოვიდეს ამ რუსის მოხელეების როლში და უღირსად შეგნოს რუსის ენას? არა, ეს არაა ქართული ერის ბრძოლის იარაღი!

დარწმუნებული ვართ, ყოველ ქართველს რომ აღაშფოთებს გიორგაძისთანა უპასუხისმგებლო პირების გამოსვლები, რომელთაც საერთო არა აქვთ რა არც ქართველი ხალხის ეროვნულ შეგნებასთან, არც მის პოლიტიკასა და საქმესთან.

ს ა ქ ა რ თ ვ ე ლ ო ს ა მ ბ ე ბ ი  
(გახტეებიდან)

ს. კულაშვი (ქუთ. მაზრა) ივ. ხარებავა ღამით თავს დაესხა კოლექტივის წევრებს, რომლებიც ყარაულობდნენ მის ჩამორთმეულ სახლს, და დაუშინა მათ ქვები, კეტები. უნდოდა კარების შემტვრევა და კოლექტივის წევრების დახოცვა,

—ქუთაისიდან იტყობინებიან, ბევრ სოფელში გლეხები ყიდიან მუშა საქონელს.

—თელავის აღმასტკომმა დაადგინა გამოასახლოს რაიონიდან «კულაკები».

—ტობანიერში (ქუთ. მ.) ცეცხლი წაუკიდეს კომუნისტ ნაფეტვარიძის ღობეებს სახლის დაწვის მიზნით

—ნიმუში კოლმეურნეობის: ცხენების და ხარების კოლონების საკვებად ქუთაისში «სოფლის კავშირმა» ყარაიდან გამოგზავნა სამი ვაგონი თივა, რომელიც აღმოჩნდა დამპალი და სრულიად უვარგისი. საგარეჯოში, გეგმის თანახმად, თემსაბჭოს უნდა მოეხდინა 1 თებერვალს, შესაკეთებელ მანქანა—იარაღების აღრიცხვა, მაგრამ შესაკეთებელ პუნქტების უქონლობის გამო ხუთი დღის განმავლობაში ბრიგადამ მხოლოდ ერთი გატყევილი ღერძი შეაკეთა და დანარჩენი დრო უსაქმოდ იყო.

—ს. ნახშირღელეში (ქუთ. მაზრა) «კულაკებმა» ხმები გააერთიანეს, რომ მალე მოხდებოდა გლეხების ცოლების გასაწოვადობა.

—სოხუმის მახლობლათ დასწვეს კოლმეურნეობის თამბაქოს საწყობი.

—ს. მიქელევანში (ქუთ. მაზ.) მოკლეს კოლექტივის აქტიური წევრი კერელიშვილი.

—სუფსაში (ოხუტა. მაზ.) დასწვეს კოლექტივის წევრის სახლი. დაიღუპა მთელი ინვენტარი, ავეჯეულობა და მუშა საქონელი. სუფსის თემის მეორე სოფელში დასწვეს კოლმეურნეობის აქტიური წევრის გოგუაძის სახლკარი და მთელი ქონება.

ს. ბადიაურში ღამით «კულაკები» თავს დაესხნენ სოფლის საბჭოს. მოკლეს დარაჯი.

—ს. ორჯონეთში (ქუთაისის მაზ.) სასოფლო კრების შემდეგ დასჭრეს კოლმეურნეობის წევრი ორომოცაძე. ს. ფარცხანაყანევი «კულაკმა» სცადა ხანჯლით მოკვლა წითელარმიელის, რომელიც სოფელზე იყო მიმავრებული.

—საპაიჭაოში დასწვეს კოლმეურნეობის თივის ზვინი.

—ხონის რაიონში «კულაკებმა» დაიწყეს მუშა საქონლის, სახლების და ინვენტარის გაყიდვა.

—ქალაქიდიში (სენ. მაზ.) «კულაკებმა» მალულად გააპარეს გასასყიდად ცხენები და კამეჩები.



—ს. ძველსენაკში ცეცხლი წაუკიდეს კოლმეურ-  
ნეობის თივას და შეშას.

—ს. გადაქანში (სიღლის მახ.) ცეცხლი წაუკიდეს  
კომუნის ბინებს, დაიწვა 16 ხარკამეჩი.

— თელავის მაზრაში გლეხებმა ერთიან მოსჭრეს  
კაკლის ხეები კოლექტივიზაციის შიშით.

— შესდგა დამფუძნებელი კრება ა. კავკასიის მწე-  
როლობისა და ხელოვნების მუშაკთა კავშირის დასა-  
არსებლად.

— ქუთაისი. როგორც არა ერთხელ იყო აღნიშ-  
ნული, მუშები და მოსამსახურენი, აგრეთვე სოფ-  
ლის აქტივები თავიანთ დადგენილებებში დაბეჯი-  
თებით მოითხოვდნენ ზარების ჩამოხსნას ეკლესიები-  
დან. საოლქო აღმასკომის პრეზიდიუმმა დაადგინა:  
— დააკმაყოფილო მუშებისა და გლეხების შუამდ-  
გომლობა და მოხსნას ზარები ონის, ხონის, ზესტა-  
ფონის, სამტრედიის, ჭიათურისა და ქუთაისის ყვე-  
ლა ეკლესიებს, ხოლო სოფლებში მოხსნას ზარები  
დაკეტილ ეკლესიებს. ზარები გადაეცემა ინდუსტრი-  
ალზაციის ფონდს. (კ.მ).

— გურჯაანი. კულაკები ავრცელებენ ჭორებს,  
ვითომ საბჭოთა კავშირის მართებს გერმანიის ვალი;  
სოფლებში უნდა შეკრიბონ ბავშვები 5 წლამ და  
ჩააბარონ გერმანიას ვალის ანგარიშში. აქეზებენ შე-  
უგნებელ გლეხებს: მოითხოვეთ ტანთსაცმელი, ფეხ-  
საცმელი და სხვ., რაკი კოლექტივში გაგაერთიანეს,  
ყველაფერი უნდა მოგცენო.

— აი კიდევ ნიმუშები კოლმეურნეობის საქმიანო-  
ბის: საჩხერის რაიონში სოფლის კავშირმა გაგზავნა  
კოლმეურნეობისათვის «ბკ»-ის სისტემის 105 გუთა-  
ნი, რომლებიც იმ რაიონისათვის სრულიად გამოუ-  
სადგარიან. ამის გამო დროზე ვერ დაიწყეს მიწის  
ხვნა.— გორის ოლქში გადმოგზავნილ ტრიერებს არ  
მოყვლია თან ღვედები და ქერის გასაწმენდი საცრე-  
ბი.— გორის ოლქში მუშაობს 22 შემკეთებელი ბრი-  
გადა 121 ხელოვნის შემადგენლობით. ბრიგადები  
მეტ წილად გამცდარნი არიან ნახშირისა და რკინა-  
ფოლადის უქონლობის მიზეზით.

— იმის გასაცნობად, თუ როგორი წესით ხდება  
გაერთიანება კოლმეურნეობაში, ვათავსებთ აქ «კო-  
მუნ.» 18 თებ. №-ში დაბეჭდილი კითხვა-პასუხს:

კითხვა:

«ჩვენ გვინდა გავიგოთ: როგორ განაწილდება  
შრომა კოლექტივებში.

პასუხი:

«კოლმეურნეობაში შესვლის მთავარი პირობა  
ასეთია: კოლექტივის ყველა შრომის უნარის მქონე  
წევრი აუცილებლად პირადათ უნდა მუშაობდეს  
კოლექტივის მეურნეობაში. მუშა-ხელს წინასწარ  
ანაწილებს კოლექტივის მმართველი ორგანოები.  
განაწილება ხდება იმის მიხედვით, თუ ვის რა სამუ-  
შაოს შესრულება შეუძლია და ვინ რა ხელობა იცის.  
ამრიგად, კოლექტივის წევრთა ერთი ნაწილი მუშა-  
ობს ვენახებში, მეორე ნაწილი— მიწდვრად, მესამე  
უვლის საქონელს, მეოთხე უვლის ფუტკარს და სხვ.  
კოლმეურნეობის თვითეულ დარგს (მაგალითად— მე-  
ვენახობას, მემინდვრეობას) ყავს თავისი ხელმძღვა-  
ნელი. ამას გარდა ცალკე დარგებშიაც იქნება ჯგუფ-

ფები, რომელთაც აგრეთვე თავისი ხელმძღვანელები  
ყავთ.

«დარგის ხელმძღვანელი ყოველდღიურად აძ-  
ლევს თავის დარგის ჯგუფებს მუშაობის განრიგე-  
ბას («ნარიადს»), რომელშიაც აღნიშნულია, თუ კო-  
ლექტივის რომელმა წევრმა სად უნდა იმუშავოს და  
რა უნდა გააკეთოს. ამ განრიგების მიხედვით სწარ-  
მოებს შემდეგ კოლექტივის წევრების მიერ შესრუ-  
ლებული მუშაობის აღრიცხვა (ტაბელის შედგენა).

«ნამუშევარი უნდა განაწილდეს თვითეული წე-  
ვრის მიერ დახარჯული შრომის რაოდენობისა და  
ხარისხის მიხედვით. გამომუშავებული უნდა იქნას  
დამუშავების ნორმები თვითეულ სამუშაოსათვის  
და თვითეული სამუშაო ნორმის ღირებულება (მაგა-  
ლითად, დღეში ერთმა მუშამ უნდა გასხლას ორასი  
ძირი ვაზი, ხოლო ორასი ძირი ვაზის გასხვლა ღირს  
3 მანეთი). საბოლოო ანგარიში გასწორდება წლის  
დამლევს. წლის განმავლობაში კოლექტივის წევრს  
შეუძლია ავანსის სახით მიიღოს ნატურით ან ფუ-  
ლად დახარჯული შრომის ღირებულების არა უმე-  
ტეს 50 პროცენტისა.

«კოლექტივში აუცილებელია სანარდო მუშაო-  
ბა და ცალკე პირებისა თუ ჯგუფების დაჯილდოე-  
ბა ბეჯითი მუშაობისათვის. არავითარ შემთხვევაში  
არ არის დასაშვები დაქირავებული შრომის გამო-  
ყენება.

«კოლექტივში ფართოდ უნდა იქნეს გამოყენე-  
ბული სოციალისტური შეჯიბრების მეთოდი.

კითხვა:

«თავისი ქონებიდან რა უნდა შეიტანოს გლეხმა  
სასოფლო-სამაურნეო არტელში.

პასუხი:

«სას.-სამ. არტელის წევრები აუცილებლათ აერ-  
თიანებენ მიწებს, ვენახებს, სას.-სამ. იარაღ-მანქანებს,  
მუშა-საქონელს, მეწველ საქონელს და ცხვარს. რაც  
შეეჩება სახლს, სამოსახლო ადგილს, პატარა ბოს-  
ტანს, საოჯახო ნივთებს, ქათმებს, იხვებს, რომელ-  
თაც მხოლოდ შინაური მოხმარების მნიშვნელობა  
აქვთ, ეს ქონება არ ერთიანდება და რჩება არტელის  
წევრის სარგებლობაში. არ ერთიანდება, არც უკვე  
მოწყული მოსავლია: პური, ღვინო და სხვა». («კო-  
მუნისტი» № 40)

უკრაინელითა შორის

უკრაინის უზენაეს სასამართლოში დაიწყო «უკ-  
რაინის განმათავისუფლებელ კავშირის» გასამართ-  
ლება. საბრალდებულო სკამზე ზის 45 კაცი. მათ შო-  
რის აკადემიკოსი ეფრემოვი ცენტრალური რადას  
ყოფილი ვიცე-პრეზიდენტი, ჩენოვსკი, პეტლიურას  
ყოფილი მინისტრი, ნიკოვსკი, საგარეო საქმეთა ყო-  
ფილი მინისტრი. პროცესი დიდი პომპითაა მოწყო-  
ბილი. ხელისუფლებამ მიიღო ზომები, რომ რამდენიმე  
ათასმა კაცმა იხილოს და ისმინოს პროცესი.  
ღსარეების კამათი გადაცემულ იქნება რადიო ტელე-  
ფონით. მთავრობის მიზანია სახელი გაუტეხოს სე-  
პერატულ მოძრაობას უკრაინაში.

—უკანასკნელი ცნობების მიხედვით, უკრაინაში მდგომარეობა მეტად გამწვავებულია. საბჭოთა პრესა არ ფარავს ამ ვითარებას. ის თვით აღნიშნავს, რომ ალექსანდროვკაში, ეკატერინოხლავის რაიონში მოსწამლეს ჭები ყველა კომუნისტების ეზოში, რის გამო ბევრი მათგანი დაიხოცა.

—შეპეტევეას რაიონში გლეხებმა დაღუფეს კოლხოზი და ჩამოაღრჩეს მისი დირექტორი, კომუნისტი ჩიჩინი სოფლის გამომჩინელ ადგილზე.

—იაკაში, ოდესის ახლო, გლეხებმა თოფები დაუშინეს კომუნისტები რაზმს, სამი მოკლეს, თორმეტამდე დასჭრეს.

—ტარტაკოვში, იმავე რაიონში, გლეხებმა შეიპყრეს ჩეკისტი ფრინელი; მიაკრეს ბოძზე სოფლის შუაგულში და საჯაროდ ჩაქოლეს ქვებით.

—ბერდიჩევთან ღამით თავს დაესხნენ სამხედრო კოლხოზს ქვეითა ჯარის 43 დივიზიის შექმნილს. კოლხოზი დასწვეს, ვინც იყო იქ ყველა ამოხოცეს. გაიგზავნა დამსჯელი ექსპედიცია.

—პოლონურ პრესაში მოთავსებულია უკრაინიდან გამოქცეულების ნაამბობი. სხვათა შორის გროზოვიჩი, დარბი გლენი ლაპარაკობს: ჩემ სოფელში სლობოდაკაში, მოვიდა ჩეკისტების რაზმი, გაანადგურეს ეკლესია, მღვდელს განადგეს ტანზე ათ გრადუსიანი ყინვაში და ჩამოახრჩვეს. მესობელ სოფელში ჩეკისტებმა მღვდელი ჯვარს აცვეს. მესამე სოფელში დახოცეს ეკლესიის ყველა მოსამსახურენი, ეკლესიის მცველიც კი.

ს ა ბ ზ ო ტ ა რ უ ს მ თ შ ი  
(განუთქებიდან)

მურმანის რკინისგზაზე ავადმყოფი ორთქლმავლების პროცენტი დღითი დღე მატულობს. პირველ მარტს მან მიაღწია ორთქლმავლის შემადგენლობის 19 პროცენტს.

—ბევრგან კოლმეურნეობაში «კულაკებმა» მაგრათ მოიკიდეს ფეხი. დამახასიათებელია, რომ «კულაკები» ხშირათ მოითხოვენ სოფლის საბჭოების გაუქმებას იმ მოსაზრებით, რომ სოფლის საბჭოები კოლექტივიზაციას არ ახორციელებენ.

ტიუმენის ოლქში «კულაკებმა» გააუქმეს სოფლის საბჭო. ურალის ოლქში ზალანის რაიონში ადგილობრივ «კულაკების» მოთხოვნით გაუქმებულ იქნა ოცდაერთი სოფლის საბჭო. დანარჩენი ოცდახუთის გაუქმებას ფიქრობენ წლის განმავლობაში.

—ურალის ოლქში სულ ერთიანათ გაანადგურეს ცხენები. ტროიციის ოლქში დახოცეს 21 პროცენტი მუშა ცხენების. ძროხები, რომელნიც მორეკილ იქნენ კოლმეურნეობაში, იყვნენ ისეთი გამხდრები, რომ უნდა გამოეთრიათ ვაგანებიდან და დაეკიდებიათ, რომ არ დაცემულიყვნენ. ძროხები ხბოებს იგებდენ, ხბოები იხოცებოდენ. გზაში დაიხოცა 45 ძროხა და ბევრი ხბო.

—დონბასში ნახშირის ამოღების თებერვლის პროგრამის შესრულებას აკლია 89.880 ტონი.

დონბასის «ნახშირის ვალი» არამც თუ არ მცირ-

დება, იზრდება. მიმდინარე სამეურნეო წლის განმავლობაში დონბასმა მოგვცა 727.370 ტონით ნაკლები.

—როგორც «ექსპრეს პორანი» იტყობინება, საბჭოების სანაპირო სადარაჯო, 20 წითელ ჯარისკაციდან შემდგარი, გადავიდა სახლვარზე და გამოცხადდა პოლონელ კომენდატთან ლუნილცაში. წითელ ჯარისკაცებმა განაცხადეს.—გამოიქცენ რუსეთიდან, რომ თავი იხსნან შიმშილისა და მონობიდან.

—მოსკოვის მეორე უნივერსიტეტში დაიწყო პროფესორების წმენდა. პოლიტიკური ნეიტრალობა და ლოიალობა არ კმარა. თითოეულ პროფესორმა და მასწავლებელმა უნდა გამოთქვას თვისი შეხედულება, რომ გამორჯეულ იქნას, მიყვება ის თუ არა პარტიის გენერალურ ხაზს.

—კრილენკომ მიმართა ყველა პროფესორებს ადგილობრივ ინსტრუქციით, თუ რა წესით უნდა იქნან კოლმეურნეობიდან გამოდევნილი კულაკები, ღვდლები და ყველა არა სასურფო ელემენტები.

გამოდევნილნი ქუჩაში რჩებიან, მათ არ მიეცემათ არც მიწა სხვაგან და არც სატრანსპორტო საშუალებანი.

—მოსსოვეტის სატრანსპორტო სექციამ დაათვალიერა მოსკოვის სადგურები (ოქტომბრის, ბელორუსკის და კურსკის რკინისგზის). სადგურის შენობები მეტად ანტისანიტარულ მდგომარეობაშია. მატარებელთა რიცხვი არაა საკმარისი და ყოველ დღე დიდძალი ხალხი რჩება მოსკოვიდან გაუსვლელი.

—ყველა ინტელიგენტი, რომელსაც ბრალდება «მავნებლობა», იგზავნება სამუშაოთ ტყეში: იგზავნება ათასობით ხალხი. არ არის ბინები, არ აცივიათ თბილი ტანისამოსი. მეთვალყურენი ყოველ დღე 30 გრადუსიანი ყინვაში მიერეკებიან ხალხს სამუშაოთ. საქეიმო დახმარება არ არსებობს. დიდ უმრავლესობას ფიზიკურათ არასოდეს უმუშავია. კვება საშინელია, ხშირათ მხოლოდ გაყინული პურია. სიკვდილი ძლიერ ხშირია. მიცვალებულთა გვამები ტყეში ყრია დაუსაფლავებელი.

—კურსკის ოლქში, სოფელ ლიუბეცკოვში, გლეხებმა მოკლეს კომსომოლი ჩოპლგინი, რომელიც კოლექტივიზაციისათვის მუშაობდა. დაიჭირეს ათი გლენი.

—გრაზოვეცკოს რაიონში, ვოლოგდას ახლოს, სადაც კოლექტივიზაცია სრულად ვატარდა, ერბოს დამზადება 33 პროც. დაეცა. კოლმეურნეობის საქონელი ერთი მესამედით ნაკლებს იძლევა რძეს. კიდევ უარესია მდგომარეობა არხანგელსკის ოლქში, სადაც ერბოს დამზადება 25 პროცენტითაა მხოლოდ შესრულებული.

—საბჭოთა დაწესებულებათა, მათ რიცხვში სა-მოსწავლო და სამეცნიეროსი, წმენდა დამთავრდა. ხმები დადის, რომ ბევრია დახვრეტილი. ამის გამო-რკვევა «სოც. ვესტ.» მოსკოვის კორესპონდენტს ჯერ ვერ მოუხერხებია. ეს კი სინამდვილეა, ამტიკებს ის, რომ ბევრი დაჭერილები ქრებიან და ახლობელი ნათესავებიც ვერ ღებულბენ ცნობებს მათ ბინადრობის შესახებ.

—დონის როსტოვში ცეცხლი წაეკიდა გეპუუს



შენობას. 28 კაცი დაიწვა. დანიშნა მოსკოვიდან სპეციალური კომისია მიწენის გამოსარკვევად. კომისიას თავმჯდომარეობს რაიზერმანი, ბესედოვსკის საქმეში ცნობილი.

— მოსკოვიდან ცნობებია, რომ უკანასკნელ ხანებში სავალიუტო კრიზისმა მეტად მწვავე ხასიათი მიიღო. თებერვალში შავ ბირჟაზე დოლარი ღირდა 10 მან., ესლა მას ვერ იშოვით 12 მან.

სავალიუტო კრიზისის გამო საბჭოთა მთავრობას ძლიერ უჭირს თამასუქების დახურდავება ბერლინში.

— რუსეთიდან გამოქცეულთა რიცხვი დღითი დღე მატულობს. გლეხებს გამოაქვთ თან უკანასკნელი ნივთი, გამოყავთ საქონელი. წითელ ჯვართან შეთანხმებით, პოლონეთის ხელისუფლების წარმომადგენელნი ღებულობენ ზომებს გამოქცეულთა მოსაწყობათ, უჩენენ მათ საექიმო და მატერიალურ დახმარებას.

— «სოც. ვესტ.» ატყობინებენ მოსკოვიდან: კომუნისტურ პარტიის ცენ. კომ. დაუგზავნა საიდუმლო ცირკულიარი ყველა ადგილობრივ ხელისუფლებათ, რომლის ძალით «კულაკები» დაყოფილ უნდა იქნან სამ კატეგორიად: პირველი კათეგორია—კულაკები კონტრევოლუციონერები—დახვრეტილ უნდა იქნენ დაუყოვნებლივ ცენტრის დაუკითხავათ. მეორე კათეგორია—კულაკები, რომლებიც ექსპლუატაციას უშვრებიან გლეხების შრომას. მათ უნდა ჩამოერთვათ ყოველივე ქონება და გადასახლებულ უნდა იქნან შორეულ ჩრდილოეთში. მესამე კათეგორია—დანარჩენი კულაკები, რომლებიც პირველ ორ კათეგორიაში არ შედიან, უნდა ჩამოერთვათ ქონება და გაძევებულ იქნან ბინიდან ხელცარიელი, შეეძლებათ გაიტანონ მხოლოდ ის, რაც ტანზე აცვიათ.

— ცარიცინის ხაზზე, მარტის პირველ რიცხვებში, მთელი ათი დღის განმავლობაში, ყოველ დღეს აქვს ადგილი მატარებლის დამსხვრევას.

— როგორც ცნობებია—მოსკოვიდან, უკმაყოფილება ჯარში დღითი-დღე იზრდება, ასე რომ ის საიმედო ძალას მთავრობისათვის აღარ წარმოადგენს. ამიტომ ხელისუფლება შეუდგა სამხედრო ძალის ძირითად რეორგანიზაციას. უნდათ იყოლიონ პროფესიონალური ჯარის კაცები, საგანგებოთ შერჩეულნი, რომელნიც მატერიალურათ მეტად პრივილეგიურ მდგომარეობაში იქნებიან. საინტერესოა აღინიშნოს, რომ ამ გვარდიის შექმნას განსაკუთრებული ენერგიით შეუდგენ უკრაინაში, კავკასიაში და ცენტრალურ აზიაში.

— კომუნისტურ პარტიის ცეკამ ცირკულიარით მიმართა პარტიულ ორგანიზაციებს, სადაც ის მოითხოვს: 1) შეწყვეტილ იქნას იძულებითი კოლექტივიზაცია;

2) შემოწმებულ იქნას სია გაკულაკებულ და უფლება აყრილთა და დაუყოვნებლივ იქნას გასწორებული შეცდომები;

3) სასტიკათ იქნას დაცული წესები კოლმეურნეობაში კულაკების და სხვა უფლება აყრილთა არ შეშვებისა, ამ შემთხვევაში გამონაკლისს შეადგენენ

ოჯახები წითელ არმიელების და წითელ ფლოტის და სახალხო მასწავლებელთა;

4) აღდგენილ იქნას ბაზრები და იქ თავისუფალი ვაჭრობა;

5) სასტიკათ აკრძალულია ეკლესიების ადმინისტრაციული დახურვა. ეკლესიები დაიხუროს, თუ ამას ხალხი მოითხოვს;

6) პარტიული მუშაკები, რომლებიც პარტიულ ხაზს არ გაატარებენ, ან ვერ გაატარებენ, დათხოვილი და შეცვლილ იქნან სხვებით.

**რას სწავრენ ბოლშევიკებზე**

ბერლინში მოსკოვიდან ჩამოსულმა დიპლომატმა გაზ. «ლოკ. ანც.» ის თანამშრომელს ასე დაუსახიათა რუსეთის აწინდელი მდგომარეობა: «ს. ს. რ. ს. კ.» როგორც ეტყობა, იმყოფება ისეთი ამბების წინაშე, როგორიც მოხდა გერმანიაში 1918 წელს. მაშინაც ხომ არავის ფიქრადაც არ მოუფიქოდა, რომ მსგავსი ამბები დაგვტყდებოდა თავს ასე ფართოდ და შეუჩერებლად. საბჭოთა ხელისუფლებამ გაუშვა ხალხთან შერიგების დრო. ახლა მან უნდა განაგრძოს ბრძოლა, ვიდრე არ მოხდება კატასტროფა, რომელიც იმდენად საშინელი იქნება, რომ მას ვეროპა მეტად მწვავედ იგრძნობს.»

— არა ნაკლების სიმწარით აგვიწერს ფრანგულ «ეტრანსიჟანში» იაპონელი მწერალი ვიკუ-იამატა თავის შდაბეჭდილებებს ციმბირის რკინის გზაზე და მოსკოვში: «მანჩულის შემდეგ ვაგონ-რესტორანი მოხსნეს. საწოლ ვაგონში ორნი ვიყავით. ჩემი თანამგზარი აღმოჩნდა ფრანგი, რომელიც უკვე მოგზაურობს ციმბირის გზაზე მეთორმეტეჯერ. მისი სიტყვით, რუსეთის კულტურას მუდამ თანდათან დაცემა-და დაქვეითება ეტყობა.

ჩვენ გკვებავდენ შავი პურით. ამ შავი პურის შემდეგ სადგურების ბუფეტებში აღმოვაჩინეთ ხიზალაა, კარაქი და ერთგან მსუქანი შემწვარი ვარია... ბიჭანები სავსე იყო ძაღლებით. «მადლობა ღმერთს, მიიხრა ფრანგმა: სჩანს ჯერ კიდევ ძაღლებისათვის ხელი არ უხლიათ. მაგრამ დადგება დრო, როცა ძაღლებს დაუწყებენ ჭამას». მოსკოვში ჩავედით უქმე დღეს, პროპაგანდის დღე იყო. ქუჩებში ძაღლი მრავლად მოძრაობდა. ყურადღება მივაქციეთ მალაზიებში გამოფენილ საქონელს, რომელიც მეტად მძარე ღირსების იყო. მალაზიებთან დაუსრულებელი რიგები იდგნენ. სახლების კედლებს აჭრულებდენ ანტირელიგიური პლაკატები, ძაღზე უშნოდ და ტლანქად შედგენილი, მყვირალა და ულახათო წარწერებით... კრემლში დასეირნობდენ წითელარმიელები. მათ ჯანმთელი გამომეტყველება ჰქონდათ—კრემლის მცველებს კარგათ აჰმევენ... ხალხი ყოველგან მოწყენილია, დაღვრემილი... სალამოს «მოსკოვის დიდ სასტუმროში», რომელიც უცხოელებისათვის არის დანიშნული, ჩვენ მივირთმევდით ძვრფას ვახშამს, გვართობდა ჯახ-ბანდი და შევექცეოდით სამჭოთა პაპიროზებს, თითო ცალი რომ ორ ფრანკად იყიდება».

**ქართველები საზღვარგარეთში**

ქართული ტრადიციული ბალი. 4 მარტს გაიმართა ქართული ბალი, უნდა ითქვას, უკეთესი, უფრო ბრწყინვალე, ვინემ გასულ წლებში. პარიზში დიდძალი ემიგრაცია არის—ასი ათასები, ქართველი ემიგრაცია კი მხოლოდ წვეთია—ათასამდე. როგორია საყოველთაო ერთსულოვანი დაფასება? ასეთი ბალი ემიგრაციას არ მოსწრებია! მეტსაც ვიტყვი, თვით ფრანგებსაც ძვირათ გაუმართავთ მზგავსი. და ამას ამბობდენ ფრანგები, რომელნიც ჭარბობდენ ყველა დანარჩენებს. იყვნენ ბლომათ ინგლისელნი, ამერიკელნი, პოლანდელი და სხ. ქართველების მეზობლებს, უკრაინელთ ხომ არ ვათვლით.

დარბაზი ახალი სტილის პარიზის I. უკეთესო უბანში, მოწყობილება მდიდრული, ჩაცმულობა პარიზული, მუსიკა სულ პირველი, ქართული შნო და ზომიერება. დივერტისმენტებში: დარბაზილური ლეკური (ორი რწყილი). მარდი ნაურსკი, ქართული პანგები (ბ. ნანობაშვილი), უცხოელი რომანსები (ქ. ბ. მაკ კორმიკ). აღმტაცი ბალეტი (II წლის თუმანიშვილის ასული, დიდი ოპერის ვარსკვლავი), პარიზის წლებიდან «დედოფლის» გამოჩენა.

ეს მიღწევა, გარდა თავის საქველმოქმედო მიზნისა, დიდ სამსახურს უწევს ჩვენი ეროვნული საქმის პოპულარიზაციას. ქართველი ერი, ჩვენ იმედი გვაქვს, ჩქარა არ იქნება იძულებული სხვაგან ეძიოს სტუმართმოყვარეობა. მაგრამ ქართული ბალი, არა ნაკლებ ვართ დარწმუნებული, პარიზის ტრადიციად იქცევა მომავალში.

ჩვენ არ დავასახელებთ დიდათ პატივცემულ პიროვნებათ, რომელთაც კეთილ ინებეს მოეწყოთ ეს დაუვიწყარი დემონსტრაცია ქართული გემოვნებისა, ფრანგული სიმშვენიერით შეზავებული, რომელთა მიმართ ჩვენი მადლობა უდრის ჩვენს აღტაცებას. ნებას მივცემთ თავს მხოლოდ ორი გამონაკლისი გავაკეთოთ ქბ თამარ დადიანისა და ბ. დავით სხირტლაძისთვის, რომელთა ამავს ქართველობა ღირსეულად დააფასებს.

მაგრამ სიხარულს ჰმუნვაც ახლავსო—იტყვიან. 30 მარტს ქართველთა ასოციაციის გამგეობის არჩევნებია და ხმები დადის, ბ. სხირტლაძე თავმჯდომარეობას თავს ანებებსო.

ბ. ნანობაშვილის საღამო. კვირას 6 აპრილს 21 საათს დანიშნულია ცნობილ ტენორის ბ. ნანობაშვილის ქართული კონცერტი. ეს პირველია არა მარტო პარიზში, არამედ ევროპაშიც. პროგრამა მხოლოდ და მარტო ქართულ ნომრებიდან შესდგება. ქართველი საზოგადოება, რა თქმა უნდა, ბლომათ დაესწრება. მისამართი: Maison Pleyel-Salle Chopin, 8 rue Daru (Métro, Ternes).

**განეთის ფასი:**

- ერთი წლით 20 ფრანკი.
- ნახევარი წლით 10 ფრანკი.
- ერთი ნომერი 2 ფრანკი.




**„შ ე ვ ა რ დ ე ნ ი“**

ქართველთა ემიგრანტულ ცხოვრებაში მოხდა ერთი აღსანიშნავი და სასიამოვნო მოვლენა. საბოლოოდ ჩამოყალიბდა «ქართველი სპორტული საზოგადოება «შევარდენი», რომლის წესდებაც დამტკიცებულია საფრანგეთის პოლიციის მიერ.

არ ვფიქრობთ, რომ ქართველი საზოგადოებისათვის საჭირო იყოს იმის მტკიცება, თუ რამდენათ აუცილებელი და სასარგებლოა ჩვენთვის, განსაკუთრებით ემიგრანტულ პირობებში, სპორტის წარმოება და მისი განვითარება. ვინც თვალყურს ადევნებს დღევანდელ საერთო ცხოვრებას, დაინახავდა რა დიდი ყურადღებით ეპყრობიან სხვადასხვა წრეები მათი ერის ფიზიკურად განვითარების საქმეს ყველა ქვეყნებში. ერის გაჯანსაღება, ერის თავდაცვის საქმის განმტკიცება, ერის სხვადასხვა ფენების დაახლოება—გაცნობა—აი, სპორტის უმთავრესი მხარეები. ქართველობას, უფრო ვინემ რომელსამე სხვა ერს, სჭირდება სპორტი და ყველა ის დადებითი მხარეები, რომელნიც მას მოსდევს.

დარწმუნებულნი ვართ, რომ ქართველი საზოგადოება და ყველა ქართული დაწესებულებანი არ დასტოვებენ უყურადღებოთ ამ სასარგებლო წამოწყებას და გაუწევენ «შევარდენს» დანმარებას, მორალურს და მატერიალურს. «შევარდენი» უნდა დავაყენოთ მკვიდრ ნიადაგზე. ამას მოითხოვს ჩვენი ერის ინტერესებიც.

«ქართველი სპორტული საზოგადოება  
«შევარდენი»-ის გამგეობა.



სტიპენდია ნ. სემკენიკის სახელობაზე.

ოდენკურის ქართველთა ასოციაცია აწესებს ყოველთვიურ სტიპენდიას 1930 წლის 1-ელ იანვრიდან 200 ფრანკს განსვენებულ ნოე ხომერის სახელობაზე. ეს სტიპენდია ენიშნება 1-ელ იანვრიდანვე ნ. ხომერის შვილს ვიკ. ხომერის უმალეს სწავლის გასაგრძელებლათ.

დასაბეჭდი წიტილები, ფული და სხვა უნდა გამოიგზავნებ სემკენიკის მისამართით:

M-r O U R A T A D Z É  
10, rue Jules-Ferry. Leuville-s-Orge (S.-et-O.)  
France